

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Borgmesterip nalunaarutaa.

Imm. 03 Ataatsimiüttitaliani siulittaasut nalunaarutaat.

Aningaasaqarnermut tunngasut

Imm. 04 Kommunalbestyrelsimi ilaasortat 2016-imí akissarsiassaat

Imm. 05 Maniitsumi Efterskolidut attartornermut isumaqatigiisummut isertitanut konto nutaaq

Suliassat nalinginnaasut

Imm. 06 Kangerlussuarmi biilinut misileraavik.

Imm. 07 Kangerlussuarmi mittarfik.

Imm. 08 Kommunip pilersaarusrusiorfigineqarneranut tapiliussassat pillugit oqaluuserisassanik nassiussisarneq kiisalu tusarniaasarnerni suleriaasissaq.

Imm. 09 Kukkunersiusut Qeqqata Kommunianut nalunaarutaat nr. 19 aamma 20.

imm. 10 2015-mi pitsaassuseq pillugu atuarfiit nalunaarusiaat

Imm. 11 Oqaluuserisassatut siunnersuut - Qeqqata Kommunia-ni namminersortunngorsaaneq namminersortunngorsaasimanerlu.

Imm. 12 Oqaluuserisassatut siunnersuut - Kommunimi illunik allanngutsaaliugassat.

Imm. 13 Oqaluuserisassatut siunnersuut – Sisimiut Kangerlussuullu akornanni illuaqqat

Imm. 14 Oqaluuserisassatut siunnersuut – Nunaqarfittattinniit tunisassiornermi killilersuisarneq.

Imm. 15 Oqaluuserisassatut siunnersuut – Sisimiuni umiatsiavileqarneq

Imm. 16 Aningaasaqarnermut ataatsimiüttitaliap kommunalbestyrelsillu 2016-imí ataatsimiffissaannut siunnersuutit.

Paasissutissiissutit

Imm. 17 Kangaamiuni qatserisartunit saaffiginnissut.

- Imm. 18** Ilaqutariinnermut immikkoortortaqarfík pillugu 2016-imut missingersummut ilanngussaq pillugu paasissutissiissut.
- Imm. 19** Atuartut akornanni aanngajaarniutinik atuinermik misissuisimaneq pillugu paasissutissiissut
- Imm. 20** Ataatsimoorussamik Itilleq/Sarfanguit nunaqarfinni aqutsisuniit Peter Karlsen-ip tunuarniuteqarnera pillugu paasissutissiissut.
- Imm. 21** Borgmesterip aalajangiinera - Tikaagullinnut qamutilissorluni pisassiissutiniit ataatsimoorussamik piniaqatigiilluni pisassiissutinut nuussinissaq pillugu tusarniaaneq.
- Imm. 22** Tamalaat.

***Kommunalbestyrelsip novembarip 26-aní 2015 ileqqusumik ataatsimiünnerata 07/2015
imaqarniliornerq***

Ataatsimiinneq videokonference atorlugu ingerlanneqassaaq aallartissallunilu nal. 8:30

Peqataasut:

Atassut

Siverth K. Heilmann, Maniitsoq – imm. 13 ilanngullugu peqataavoq
Tønnes Kreutzmann, Kangaamiut
Bitten Heilmann, Maniitsoq

Inuit Ataqatigiit

Agathe Fontain, Sisimiut - Imm. 07 ilanngullugu peqataavoq. Imm. 11-miit peqataaqqilerpoq.
Imm. 21 ilanngullugu peqataavoq.

Partii Naleraq

Malene Ingemann, Sisimiut

Siumut

Hermann Berthelsen, Sisimiut
Gideon Lyberth, Maniitsoq – Imm. 22 ilanngullugu peqataavoq.
Hans Frederik Olsen, Sisimiut
Aqqalu Skifte, Maniitsoq
Evelyn Frederiksen, Sisimiut
Marius Olsen, Sisimiut
Karl Lyberth, Maniitsoq
Alfred Olsen, Sisimiut
Jan Boller, Maniitsoq

Nalunaaruteqarlutik peqataanngitsut:

Jakob Olsen, Sisimiut

Imm. 01 Oqaluuserisassat akuersissutigineri

Aalajangiineq

Imm. 17 tunuartinneqarpoq.

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Borgmesterip nalunaarutaa tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Ilinniartitaanermut Kulturimut Sunngiffimmullu ataatsimiititaliap siulittaasua nalunaaruteqarpoq.

Ilaqtariinnermut ataatsimiititaliap siulittaasua nalunaaruteqarpoq.

Aatsitassanut Attaveqaqatigiinnermullu ataatsimiititaliap siulittaasua nalunaaruteqarpoq.

Pisuussutit Uumassusillit pillugit ataatsimiititaliap siulittaasua nalunaaruteqarpoq.

Teknikkimut Avatangiisinullu ataatsimiititaliap siulittaasua nalunaaruteqarpoq.

Inuussutissarsiuinut Suliffissaqartitsiniarnermullu ataatsimiititaliap siulittaasua nalunaaruteqarpoq.

Aalajangiineq

Siulittaasut nalunaarutaat oqaaserineqartut ilanngullugit tusaatissatut tiguneqarput.

Imm. 04 Kommunalbestyrelsimi ilaasortat 2016-imi akissarsiassaat

Journalnr. 06.01.01

Tunuliaquataq

Ukiup tullissaanut missingersuutissanik communalbestyrelsi akuersissuteqarnerminut atatillugu akissarsiassami annertussusissaa ilanngullugu akuersissutigisarpaa. Pissutsinik ataasiakkaanik isumannaarinerup kiisalu pitsaassutsimik misissuinerup kingunerisaanik, communalbestyrelsimi nunaqarfinnilu ataatsimiititaliani ilaasortat 2016-imi akissarsiassaat, missingersuutissatut siunnersummut ilanngunneqanngillat.

Maleruagassatigut tunngavissat

Borgmesterinik borgmesterillu tulliinik kiisalu communalbestyrelsiniut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq.

Nalunaarut nr. 25-mi, 20013-imi decembarip 30-aneersumi ima allassimasoqarpoq:

§ 1. Borgmesterip akissarsiassai communalbestyrelsimit taassuma atuuffianut aalajangersarneqassapput.

Imm. 2. Ukiut tullermut missingersuusiornermut atatillugu borgmesterit tullisa, communalbestyrelsiniut nunaqarfinnilu aqutsisunut ilaasortat, ataatsimiititaliani siulittaasut nunaqarfinnilu aqutsisuni siulittaasut akissarsiaasa annertussusissaat communalbestyrelsip aalajangersassavaa.

§ 2. Borgmesteri ukiumut akissarsiaqartinneqassaaq annerpaamik Kalaallit Nunaanni ilinniagartuut kattuffiata Akademikernes Sammenslutning i Grønlandip (AS-G) isumaqatigiissuteqarfiini tjenestemandinut akissarsiat pillugit isumaqatigiissutit qaqgukkulluunniit atuuttut naapertorlugit akissaateqarfiit 38-iannut, nalinginnaasumik tapiissutit ilanngullugit, naapertuutumik kisiannili nalinginnaasumik akissaateqarfiit nikerarnerinut tapiissutit ilanngunnagit, aamma tapiissutit tamaasa eqqarsaatigalugit 1.4. 1991 akit naapertorlugit ukiumut tunngaviusumik kr. 130.600-unik immikkut tapiissutitalimmut, aamma ukiumut tunngaviusumik kr. 174.130-nik immikkut tapiissutitalimmut, kiisalu aamma suli ukiumut tunngaviusumik kr. 12.100-unik immikkut tapiissutitalimmut, naapertuutumik sulinngiffeqartarnerlu pillugu inatsit naapertorlugu immikkut sulinngiffeqarnersiuteqartitsisoqassalluni.

Immikkut tapit tamaasa eqqarsaatigalugit, 1991-imi apriilip aallaqqaataani tunngaviusumik akigititat atuupput.

Imm. 2. Borgmesterip akissarsiai tunniunneqartassapput Kalaallit Nunaanni ilinniagartuut kattuffiata Akademikernes Sammenslutning i Grønlandip (AS-G) isumaqatigiissuteqarfiini tjenestemandit qaammamusiallit akissarsiaasa tunniunneqartarnerattut.

Imm. 3. Borgmesterit Naalakkersuisut akuersisimatinnagit borgmesteritut akissarsiamik saniatigut nalunaarut manna malillugu kommunimi suliaritanut allanut akissarsiaqarsinnaanngillat.

§ 5. Kommunalbestyrelsip communalbestyrelsimit ilaasortat aalajangersimasumik akissarsiaqartissavai amerlanerpaamik akissarsiap § 2, imm. 1-mi taaneqartup arfinilinngorlugu avinneranik ataatsimik.

Imm. 2. Akissarsiat tunniunneqartassapput communalbestyrelsimit ilaasortanut tamanut

***Kommunalbestyrelsip novembarip 26-aní 2015 ileqqusumik ataatsimiünnerata 07/2015
imaqarniliornerq***

akissarsiassat amerlanerpaaffissaasa agguarneri assigiimmik annertussuseqartillugit.

§6. Nunaqarfinni aqutsisunut ilaasortat akissarsiaqartinneqassapput amerlanerpaamik akissarsiap § 2, imm. 1-imí taaneqartup 1/12-anik.

Stk. 2 Akissarsiat tunniunneqartassapput nunaqarfinni aqutsisunut ilaasortat tamat anigaasarsiat qaffasinersaasa agguarneri assigiimmik annertussuseqartillugit.

§ 7. Kommunalbestyrelsip ilassutitut aningaasarsiat nunaqarfinni aqutsisunut siulittaasumut tunniussinnaavai. Ilassutitut aningaasarsiat ukiumut amerlanerpaamik akissarsiap § 2, imm. 1-imí taaneqartup 1/12-anik annertussuseqarsinnaapput.

Pissutsit atuuttut

Qeqqata Kommuniani qinikkiat akissarsiaqarsinnaatitaasut tulliuttutut ipput:

Kommunalbestyrelsi:

Ilaasortat 15-it, taakkunannga borgmesteri ataaseq, tullersortiilu marluk

Borgmesterip siulittaasuuffigisaa aningaasaqarnermut ataatsimiititaliaq ilanngullugu politikkikkut ataatsimiititaliat arfinillit.

Nunaqarfimmi aqutsisut (4):

Ilaasortat 16-it, taakkunannga siulittaasut sisamat.

Kommunalbestyrelsimit ilaasortat, nunaqarfimmi aqutsisunut ilaasortat qaffasinnerpaamik akissarsiaqartinneqassanersut kiisalu ataatsimiititaliani suliat annertussusii aallaavigalugit ataatsimiititaliat siulittaasui akissarsiaqartinneqassanersoq kommunalbestyrelsip aalajangersartarpaa.

Nalunaarut nr. 25, 2013-imí decembarip 30-aneersoq naapertorlugu, qaffasinnerpaamik akissarsiaqartitsisoqassappat, 2016-imilu apriilip aallaqqaataani iluarsiissuteqartoqassappat, akissarsiat tullinnguuttussatut naatsorsorneqarput:

**Kommunalbestyrelsip novembarip 26-ani 2015 ileqqusumik ataatsimiünnerata 07/2015
imaqarniliornerq**

Eqitsit 1

Qeqqata Kommunia	01.01. 2016-imit	01.04.2016-imit	Akissarsiat
2016-imi akissarsiassat aalajangersarneqarnerat	qaammammut	qaammammut	2016
Borgmesteri § 2-mi imm. 1	75.764,21	76.553,23	916.271,70
1. Borgmesterip tullia § 3 - § 2-mi imm. 1-ip 15 procentii	11.364,63	11.482,98	137.440,76
Kommunalbestyrelsimit ilaasortaq § 5 - § 2-mi imm. 1-ip 1/6-ii	12.627,37	12.758,87	152.711,95
+ ataatsimiititalianut siulittaasut § 7 - § 5-ip affai	6.313,68	6.379,44	76.355,98
Borgmesterip tullersortiata aappaa (KB-mi ilaasortatut akissarsiat naliginnaasut)	12.627,37	12.758,87	152.711,95
Kommunalbestyrelsimit ilaasortaq aqqaneq-marluk	151.528,42	153.106,46	1.832.543,40
Ataatsimiititaliat siulittaasui tallimat (- ØU) § 7 - § 2-mi imm. 1-ip affai	31.568,42	31.897,18	381.779,88
Nunaqarfinni aqutsist 16-it § 6 - § 2-mi imm. 1-ip 1/12-ii	101.018,95	102.070,97	1.221.695,60
Nunaqarfinni aqutsisunut siulittaasut sisamat (tapiissutit) § 7 imm. 2 - § 2-mi imm. 1-ip 1/12-ii	25.254,74	25.517,74	305.423,90
	428.067,79	432.525,75	5.176.935,11

Tamatuma kingunerisaanik 2016-imi qinikkat akissarsiassaannut aningaasartutissat, 2011-mi apriliip aallaqqaataani iluarsiissutit ilanggullugit, katillugit **5.176.935 koruuniussapput.**

Aningaasaqarnikkut allaffissornikkullu kingunerisinnaasai
2015-imut sanilliullugu, 2016-imi iluarsiissutissaq akissarsianut 71.911 koruuninik qaffaataassaaq.

Qullersaqarfiup oqaaseqaatai
Annerusumik oqaaseqaatissaqanngilaq

Allaffeqarfiup naliliinera
Allaffeqarfiup nalilerpaa, ataani innersuussutigineqartoq aallaavigalugu Aningaasaqarnermut ataatsimiititaliaq Kommunalbestyrelsiliu aalajangiisinjaasut.

Allaffeqarfiup innersuussutaa
Allaffeqarfiup Aningaasaqarnermut ataatsimiititaliamut innersuussutigaa, Aningaasaqarnermut ataatsimiititaliap kommunalbestyrelsimit akuereqqullugu innersuussutigissagaa,

**Kommunalbestyrelsip novembarip 26-ani 2015 ileqqusumik ataatsimiünnerata 07/2015
imaqarniliornerq**

-Kommunalbestyrelsimut nunaqarfinnilu aqutsisunut ilaasortanut, eqitsit 1 naapertorlugu
qaqugukkulluunniit qaffasinnerpaamik akissarsiassaasut naapertorlugit
akissarsiaqartitsisoqartassasoq

Aningasaqarnermut ataatsimiititaliap suliamik suliariinninenra
Ataatsimiititaliap novembarip 17-ian 2015 ataatsimiinnermini innersuussut akuersissutigivaa.

Innersuussut

Aningasaqarnermut ataatsimiititaliap Kommunalbestyrelsimut innersuussutigaa akuereqqullugu,

-Kommunalbestyrelsimut nunaqarfinnilu aqutsisunut ilaasortanut, eqitsit 1 naapertorlugu
qaqugukkulluunniit qaffasinnerpaamik akissarsiassaasut naapertorlugit
akissarsiaqartitsisoqartassasoq

Aalajangiineq

Innersuussutigineqartoq oqaaserineqartut ilanngullugit akuersissutigineqarpoq.

Ilanngussaq

Ilanngussaqanngilaq

**Imm. 05 Maniitsumi Efterskolimut attartornermut isumaqatigiissummut isertitanut
konto nutaaq**

Journalnr. 52.01.04

Tunuliaquaq

Maniitsumi Efterskolip suliffeqarfimmum namminersortumut isumaqatigiissutiminik atorunnaarsitsivoq, 2015-iimi juunip naanerata tungaanut illoqarfimmum suliffeqarfiup illuutaani atuartitsinissamut efterskoli isumaqatigiissuteqarnikuulluni. Efterskoli, Ilanniartitaanermut Naalakkersuisoqarfik kiisalu Ilanniartitaanermut immikkoortortaq akunnerminni, efterskolip atuartitsivissanik pisariaqartitsinera pillugu arlaleriarlutik ataatsimeereerput.

Maleruagassatigut tunngavissaq

Nipilersornermi Ilanniarfik kiisalu Inuuusuttut ornittagaat Ilanniartitaanermut, Kulturimut Sunngiffimmullu ataatsimiititaliap ataani inissisimapput. Qeqqata Kommuniani isertitat Aningasaqarnermut ataatsimiititaliamit akisussaaffigineqarput.

Pissutsit atuuttut

2015-imi septembarip aqqarngani Maniitsumi Efterskoli kiisalu Qeqqata Kommunia, Ilanniartitaanermut immikkoortortaq attartornissamut isumaqatigiissuteqarput, taamaalilluni efterskoli inuuusuttut ornittagaani nutajusumi inersuarmik, Nipilersornermut Ilanniarfimmum inimik kiisalu Piareersarfimmum atuartitsivimmik attartorsinnaalerluni. Isumaqatigiissummi allassimavoq, ininik attartorneq qaammammut 25.000 koruunimik akiliisoqartassasoq.

Septembarimi Efterskolip nalinginnaasumik atuartitsinera suli aallartinngilaq, atuartut imminnut ilikkarnissaannut paasititsiniaanerit ingerlanneqarnerat patsisaalluni. Taamaalilluni inuuusuttut ornittagaanni inimik attartorneq suli aallartinneqarani.

Nipilersornermut Ilanniarfik Teknikkimut Avatangiisinullu immikkoortortamit, Ilanniartitaanermut immikkoortortamut suli tunniunneqanngilaq. Tunniussivissatut ulluliussaq arlaleriarluni kinguartinnejartarpooq, maannakkullu oktoberip aallartinnerani tunniunneqarnissaa pilersaarutaavoq. Ammaanersiorissamut ulluliinissaq suli nalornissutigineqarpoq, atortutissat pequitissallu qaqguq tiguneqarnissaat piareerneqarnissaallu suli nalornissutigineqarmat.

Septembarimi attartortitsinermut isertitassaqaanngilaq. Oktobarimi qaammatip affaanut akiliuteqartoqarsinnaanissaa kiisalu novembarimi decembarimilu qaammat tamaat akiliuteqartoqarsinnaanissaa naatsorsuutigineqarsinnaavoq.

Atuilluartuunissakkut kingunerisinnasai

Ilanniartitaanermut immikkoortortaq Maniitsumi Efterskoli suleqatigalugu, suliffeqarfimmum Namminersorlutik Oqartussanit pigineqartumut, Qeqqata Kommunianut suliffinnik akileraarutinik isertitassanik pilersitsisumut, pitsaasumik suleqatigiinnissamik pingaartitsinissamik isumaqatigiissuteqarpoq. Efterskoli pisortaq aamma Ilanniartitaanermut immikkoortortami pisortat qaammammut ataatsimiittarnerinut aalajangersimasumik peqataasassaaq, sutigut tamatigut ataatsimiissutissaqarlunilu suleqatigiissutissaqarmat.

Aningaasaqarnikkut allaffissornikkullu kingunerisinnaasai

Attartitsinermut isumaqatigiissut qaammammut 25.000 koruuninik isertitaqarnermik kinguneqassaaq, tamannalu 2016-imi juunip 30-ata tungaanut ingerlassalluni kiisalu sivitsorneqarnissamik periarfissaqassalluni. Efterskolip allilerneqarnissaanut pilersaarusiorneq aatsaat aallartinneqarnialermat, isumaqatigiissutip sivitsorneqarnissaa ilimanaateqarpoq, tamatuma kinguneranik efterskolip allilerneqarnerata naammassineqarnissaata tungaanut, efterskolimi atuartitsinissamut atuartitsivissanik pisariaqtitsisoqassaaq.

Allaffeqarfiup naliliinera

2015-imi qaammatit pingajuat avillugu attartitsinermut isertitassat, inuusuttut ornittagaanut nipilersonermullu ilinniarfimmut nakkartinneqartarnissaat, allaffeqarfimmit innersuussutigineqarpoq. Inuusuttut ornittagaat nipilersonermullu ilinniarfik nutaarluinnaapput, taamaalillutillu atortunut pisiniarnissamik suli amigaateqarlutik.

Allaffeqarfiup innersuussutaa

Allaffeqarfiup Ilinniartitaanermut, Kulturimut Sunngiffimmullu ataatsimiititaliamut innersuussutigivai,

-Inuusuttut ornittagaannut nutaamut isertitanut kontomik "Attartitsinermi isertitat"-tut taallugu kontonr 53-03-22-71-00-imik kiisalu nipilersonermut ilinniarfimmut nutaamut isertitanut kontomik "Attartitsinermi isertitat"-tut taallugu kontonr 53-01-25-71-00-imik pilersitsisoqassasoq

-2015-imi maanna isertitat nipilersonermut ilinniarfiup ataani konto 53-01-25-20-00 "Atortunik pequtinillu pisineq"-mut kiisalu inuusuttut ornittagaasa ataani konto 53-03-20-20-00 " Atortunik pequtinillu pisineq"-mut ikineqassasut

Ilinniartitaanermut, Kulturimut Sunngiffimmullu ataatsimiititaliap suliamik suliarinninnera
Ataatsimiititaliap novembarip 9-ani 2015 ataatsimiinnermini innersuussut akuersissutigivaa.

Ilinniartitaanermut, Kulturimut Sunngiffimmullu ataatsimiititaliap innersuussutaa

Ilinniartitaanermut, Kulturimut Sunngiffimmullu ataatsimiititaliap Aningaasaqarnermут ataatsimiititaliamut innersuussutigivai akereqqullugu,

-allaffeqarfiup innersuussutaa akuersissitigeqqullugu.

Aningaasaqarnermут ataatsimiititaliap suliamik suliarinninnera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermут ataatsimiititaliap kommunalbestyrelsimut akuersissutigeqqullugit innersuussutigivai,

-Inuusuttut ornittagaannut nutaamut isertitanut kontomik "Attartitsinermi isertitat"-tut taallugu kontonr 53-03-22-71-00-imik kiisalu nipilersonermut ilinniarfimmut nutaamut isertitanut kontomik "Attartitsinermi isertitat"-tut taallugu kontonr 53-01-25-71-00-imik pilersitsisoqassasoq

-2015-imi maanna isertitat nipilersonermut ilinniarfiup ataani konto 53-01-25-20-00 "Atortunik

**Kommunalbestyrelsip novembarip 26-aní 2015 ileqqusumik ataatsimiünnerata 07/2015
imaqarniliornerq**

pequtinillu pisineq"-mut kiisalu inuuasuttut ornittagaasa ataani konto 53-03-20-20-00 " Atortunik
pequtinillu pisineq"-mut ikineqassasut

Aalajangiineq

Innersuussutigineqartut akersissutigineqarput.

Ilanngussaq

1. Maniitsumi Efterskolip Qeqqata Kommuniatalu akunnerminni attartortitsinermut isumaqatigiissutaat

Imm. 06 Kangerlussuarmi biilinut misileraavik

Journalnr. 66.15

Tunuliaquataq

Sverige-mi suliffeqarfimmit ATM-imit (Arjeplog Test Management) Qeqqata Kommunia 2013-imi novembarip qaammataani pulaarteqarpooq. Biilit nutaat sanaartorneqannginnerini misiligarneqarnissaannut periarfissiinernik atugassaqartillugit, ATM-ip biilinik tuniniaasartut kiffartuuttarpaat. Issittumi Sverige-p Avannaani Kina-llu Avannaani ATM biilinik misileraavinnik ingerlatsivoq.

Maannakkut Sverige-p avannaani Kina-llu Avannaani misileraaviit piffissami aalajangersimasumi misileraavigineqartarnerinut sanilliullugu sivisunerusumik misileraaviusinnaasumik nutaamik pilersitsinissaminut periarfissanik ATM ujartuivoq. Kangerlussuaq periarfissat arlallit ilagivaat, 2014-imili februaarip qaammataani ATM-ip nalunaarutigaa, misissuinerikkut paasisimallugu Kangerlussuaq periarfissaginnerpaajusoq.

2014-imili oktoberip qaammataani BMW Kangerlussuarmi aningaasaliillunilu biilinik misileraavoq, ajoraluartumilli oktoberimi issikippallaarsimavoq, taamaattumilli BMW Kangerlussuarmi misileraanissaminut tunuarsimaarallalersimalluni. Biiliorfiit allat soqtiginarsaaffiginiarlugit ATM, Namminersorlutik Oqartussat Kommunilu, 2015-imi Kangerlussuarmi sapaatip akunnera 46-mi biiliorartunut paasisitsiniaanissaminik aaqqissuipput, tassanilu novembarimi-decembarimi aamma apriilimi-maajimi misileraasarnissaq aallaavigineqarlutik.

Maleruagassatigut tunngavissat

Pilersaarusiornermi inatsit aamma avatangiisit pillugit inatsit.

Pissutsit atuuttut

Sverigimi suliffeqarfik Tjintok-i VW-mut sullissinerani, 1999-imit 2004 tikillugu Kangerlussuaq misileraaviuvoq. Kangerlussuarmit sermersuup tungaanut aqqusinniortoqarnerani, sermersuarmilu ilummut 120 kilometerinik ungasitsigisumi misileraavissamik pilersitsisoqarnerani, misileraanerit Kangerlussuup eqqaani tatsini ingerlanneqqaarsimapput.

Tjintok VW-lu Kangerlussuarmiikkunnaarmata, sermersuup tungaanut aqqusineq taamani Sisimiut Kommunerisimasaata tiguaa, taamaalliluni takornarissat, ilisimatut Kangerlussuarmiullu ilaatigut Sermersuaq tikivillugu misigisassarsiorsinnaalersinneqarlutik. Aqqusineq 35 kilometerinik takitigisoq piffissap ingerlanerani aqquutikkuminaalligaluttuinnarpooq.

Kangerlussuarmi eqqaanilu atugassarititaasut atornissaannut ATM periarfissatut isigisai:

1. Mittarfiup piusup kujataatungaani Mittarfeqarfifit nunaminertaataanni
2. Akuliarusiarsuup kuuani sioqqani kuullu eqqaani
3. Kangerlussuup eqqaani taseq ataaseq arlallilluunniit (ilaatigut Kellyville-mi Lake Helen aamma Russels gletsjer-imi/assiaqutip nalaani Lake Tasia/Anguitsup/Langsøen)
4. Kangerlussuup eqqaani aqquserngit/ingerlavissiat piusut, pingaartumik Sermersuup tungaanut aqqusineq

Aputiliut atorlugu mittarfiup eqqaani nunaminertani Akuliarusiarsuup kuuanilu aputinit sermimik misileraavissanik pilersitsinissaminik ATM kissaateqarpooq.

Siunissami misileraaviugallartut ataavartunngortinnejassapput. Kangerlussuarmi mittarfiup kujataatungaani nunaminertamik atuineq, mittarfiup avannaatungaani nunaminertamut taarsiunnejassaaq. Tamanna kommunalbestyrelsip 2015-ip upernaani, kommunip pilersaarusrorfigineqarneranut tapiliussap nr. 17-ip akuersissutigineratigut akuerinikuuaa. Tassani misileraavinnik assigiinngitsunik, sannavimmik, allaffeqarfinnik, qeritsivinnik containeriusunik il.il. periarfissaqartitsisumik misileraavissuarmik pilersitsisoqassaaq.

Akuliarusiarsuup kuuani aamma Lake Helen-imi 2015-imi oktoberimi-novembarimi ATM misileraanissaminik kiisalu Sermersuup tungaanut aqquserngup pitsangorsaavigineqarnissaanut piareersaasioreerput, taamaalluni Kangerlussuarmi biilink misileraanissamut periarfissanik piviusorsiorpalaartunik biiliortarfiit sapaatip akunnera 46-mi takunnissinnaaniassammata.

Atuilluartuunissakkut kingunerisinnaasai

Biilit issittumi misileraeqartarnerisigut biilit ingerlatsinikkut isumannaannerunissaat, nunarsuarmilu angallassisutigineqarnerini aqqusinerni angallannermi annerusumik isumannaallisagaanissaat anguniarlugu misileraasoqartarnissaa kissaatigineqarpoq. Biilit ikummatisanik aammali innaallagissamik ingerlatillit misilgarneqassasut naatsorsuutigineqarpoq.

Biilink misileraavik Kangerlussuarmi suliffinnik nutaanik pilersitsissaq. Siunissaq ungasinnerusoq eqqarsaatigalugu qaammatini sisamani 200-t tikillugit sulisorineqartassapput, soorluttaaq Kangerlussuarmi allatigut suliassaqartitsissasoq. Biilink misileraavik ukiup qanoq ilinerani suliassanut nalimmassaataassaaq, taamaallunilu ukioq naallugu annerusumik suliassaqartitsinissamut tapertaassalluni, matumanilu suliffeqarfiiit piusut, matumanilu unnuisarfiiit, mittarfik, assortut il.il. imminut akilersinnaanerusumik ingerlalissallutik. Biilink misileraavik novembarimi-decembarimi aamma apriilimi-maajimi tungaanut biilink misileraasarnissaa naatsorsuutigineqarpoq, illuatungaatigullu takornarissat ilisimatuullu aasaanerani tikerarnerusarlutik, aammali upernaakkut takornarissat tikerarluartarput.

Nipitigut annertuumik sunniuteqarnissa naatsorsuutigineqarsinnaavoq. Kangerlussuup illoqarfittaani timmisartut nipiinut sungiussisimaneq patsisaalluni, biilink misileraavik immaqa malugineqarnavianngilaq. Kangerlussuup avataani nipi aqqusinermi misileraavinnilu killeqalissaq. Aqqusinernik atuisunut allanut nunaannarmut appakaattartunut sanilliullugu (piniartut, ilisimatuut, pisullutik takornarissat), biilink misileraaneq assinganik angallannerulernissamik kinguneqartitsissanngilaq.

ATM nunat tamalaat akornanni suliffeqarfiiulluni ISO-mik allagartaqarpoq, taamaattumillu pinngortitap avatangiisillu illersorneqarnissaannut kiisalu ajutoortoqassagaluarpat takujuminarsaanissamut sakkortuunik malittarisassanik malitassaqarluni. Taamaattumik massakkut angallannermut sanilliullugu silaannarmut mingutsitsinissaq annikinnerussalluni. Tatsini misileraaviit soorunalimi ukiut tamaasa tatsit aannerisigut tammakartassapput, soorluttaaq Akuliarusiarsuup kuuani taamatulli pisoqarnissa naatsorsuutigineqartoq. Matumanilu ukiut tamaasa upernaakkut aasakkullu immap sioqqallu misileraavik suujunnaarsikkiartortassavaat, misileraavillu septembarimi-oktoberimi nutaamik suliarineqartarluni.

Aningaasaqarnikkut allaffissornikkullu kingunerisinnaasai

Misileraavik Kangerlussuarmut assigiinngitsutigut aningaasatigut annertuumik iluaqutsiissasoq naatsorsuutigineqarpoq:

- Nunaqarfimmiut ataavartumik suliffillit amerlissapput, soorluttaaq piffissap ilaani avataaniit suliartortoqartassaaq, taamaalillunilu akileraarutitigut isertitassat annerulissallutik.
- Aqquserngit annerusumik aserfallatsaalineqalissapput, taamaalillunilu takornarialerisut aamma pitsaanerusumik kiffartuunneqalissallutik.
- Unnusarfinni kaaviaartitat annerulissapput

Tamatuma kingunerisaanik sulialinnut tamanut, pingaartumik takornarialerisunut iluaquutasussanngorluni aqqusineq annerulersinneqarsinnaassaaq, nutarterneqarsinnaassaaq, angallannerlu pitsaanerulersinneqarluni. Kiisalu nunat tamalaat akornanni biilileriffiup Kangerlussuarmiilerneratigut, nunat tamalaat akornanni suliffeqarfissuit allat Kangerlussuarmi aningaasaliinissamut periarfissarpassuarnik takunnilersinnaapput.

2015-imi novembarip qaammataani biiliortarfinnut paasisitsiniaanissami aningaasartuutissat, ATM-ip, Namminersorlutik Oqartussat Kommunillu avippaat. Kommunip 200.000 koruunit tungaannut aningaasartuuteqassasoq naatsorsuutigineqarpoq, taakkulu inuutissarsiuutinik ineriaortitsinissamut konto 37-mit matussuserneqassallutik.

Allaffeqarfiup naliliinera

Allaffeqarfiup nalilerpaa, pilersarut pineqartoq Kangerlussuarmut kivitseqataassasoq, soorluttaaq Kangerlussuup mittarfiullu ineriaortinnejarnissaannut qulakkeerinnejataassasoq. Tamatuma kingunerisaanik saqqummiinerup iluatsilluarnissaa, siunissamilu ataavartumik misileraaviunissaa qulakkeerniarlugu immikkut suliniartoqassaaq.

Allaffeqarfiup nalilerpaa, Kangerlussuarmi biilink misileraavissamik pilersitsinissami, biilit misileragassat Europamit (allaniilluunniit) Kangerlussuarmut assartornissaat unammillernartut annersarissagaat. Sverigep Avannaani biilink misileraasoqassatillugu, biilit biilink assartorneqarsinnaasarput, Kangerlussuarmili misilerarneqassagunik timmisartumik assartorneqartariaqartassallutik, tamanna akikitsuinnaassanani.

Allaffeqarfiup innersuussutaa

Allaffeqarfiup innersuussutigaa, Aatsitassanut Attaveqaqtigiinnermullu ataatsimiititaliap aamma Aningaasaqarnermut ataatsimiititaliap paassisutissiissut tusaatissatut tigussagaat.

Aningaasaqarnermut ataatsimiititaliap suliamik suliariinninera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap communalbestyrelsimeut akuersissutigeqqullugit innersuussutigivai,
-paassisutissiissut tusaatissatut tiguneqassasoq

Aalajangiineq

Innersuussutigineqartoq oqaaserineqartut ilanngullugit akuersissutigineqarpoq.

Ilanngussat

Soqanngilaq

Imm. 07 Kangerlussuarmi mittarfik

Journalnr. 24.10

Tunuliaquaq

2015-imi ukiup affaata aappaani Naalakkersuisut Mittarfeqarfíillu, Kangerlussuarmi mittarfik pillugu assigiinngitsunik paasissutissartalinnik arlalinnik allakkiaqarlutillu allakkiornikuupput.

Maleruagassatigut tunngavissat

Namminersorlutik Oqartussat mittarfinnut, allatigullu attaveqaqtigíinnernut akisussaasuupput, aaqqissusseqqinnissatigulli attaveqaqtigíinnermut tunngasuni kommunit annerusumik akisussaaffilerniarneqarlutik.

Qeqqata Kommuniata pilersaarutornermi periusissiamigut nalunaarutiginikuuaa, angallannermi attaveqaqtigíinnermut akisussaaffik tigorusullugu, Sisimiunilu kommunip umiarsualiviata 2012-2013-imi sanaartorneqarneratigut, 2016-2017-imilu nunaannarmi ATV-nut aqqusiortitsinissaminik pilersaaruteqarnermigut angallannermi attaveqaqtigíinnermilu akisussaaffik tigullugu.

Pissutsit atuuttut

Amerikarmiut mittarfiit qimamatigut, Kangerlussuarmi Kulusummilu mittarfiit

Namminersornerullutik Oqartussat 1991-1992-imi tiguaat. Ilutigalugu 1991-imi aningaasat nalingi naapertorlugit ataatsimoortumik aningaasartuutit ukiumut 78,8 mio. koruuniusut, taakkunanna 64,4 mio. koruunit Kangerlussuarmik ingerlatsinermut atugassaasut Namminersornerullutik Oqartussat, ataatsimoortumik tapiissutit pissarsiarisartakkami 75 procentii qaavatigut pissarsiarisalerpaat. Taamaalilluni 1992-imi aningaasat nalingi naapertorlugit Namminersornerullutik Oqartussat/Namminersorlutik Oqartussat ukiumut 50 mio. koruunit missaat pissarsiarisarpaat. 1992-imi aningaasat nalingi naapertorlugit ukiut 23-t sinnerlugit qaangiuteriillartullu 1.150 mio. koruuninngorput, ullutsinnilu aningaasat nalingi aallaavigalugit annertunerujussuullutik.

Namminersornerullutik Oqartussat Kangerlussuarmik tigusimmata, Kangerlussuaq kommunip akisussaaffiisa avataaniippoq, aatsaallu 2002-mi Sisimiut Kommunerisimasaanit tiguneqarluni.

Malitsigisaanik angallanneq pillugu nalunaarusiani assigisaannilu, Kangerlussuup nutartertariaqalernera erseqqissaatigineqartarpoq. Kingullermik Assartuussineq pillugu isumalioqatigiissitaq nalilersuigami, Mittarfiup 2011-mit 2014 tikillugu nutarterneqarnissaanut pisariaqartitsinermi aningaasartutissat 150 mio. koruuninik naleqassasoq naatsorsorpaa. Mittarfik nutarterneqanngilaq.

Naalakkersuisoq Knud Kristiansen-ip 2015-imi juulip 28-aní allakkatigut borgmesterimut erseqqissaatigaa, Kangerlussuarmi Mittarfiup nutarternissaa 725 mio. koruuninik naleqassasoq, taakkunanna 250 mio. koruunit mittarfimmut, 280 mio. koruunit illuutinut, 195 mio. koruunillu pilersuinermut atorneqassallutik.

Naalakkersuisoq Knud Kristiansen-ip 2015-imi aggustip 6-ianí allakkatigut borgmesterimut erseqqissaatigaa, mittarfiup nutarterneqarnissaanut missiliut 500 mio. koruunit tungaanoortoq.

Jens-Erik Kirkegaard-ip § 37 aqqutigalugu apeqquteqaataanut tunngatillugu Naalakkersuisoq Knud

15

Kristiansen-ip 2015-immi aggustip 28-ani akissuteqarnermigut nalunaarutigaa, Kangerlussuarmi Mittarfiup nutarterneqarnissaanut aningaasartutit tamakkiisut 2 mia. koruunit angusinnaagaat.

Naalakkersuisoq Knud Kristiansen-ip borgmesteri 2015-immi oktoberip 7-iani ataatsimeeqatigamiuk, Mittarfeqarfii 2015-immi aggustip 28-ani allakkiasimasaat borgmesterimut tunniuppai, tassanilu allassimalluni Kangerlussuarmi Mittarfiup nutarternissaa 1.964 mio. koruuninik naleqassasoq, taakkunangna 1.529 mio. koruunit mittarfimmut saavanullu il.il., 281 mio. koruunit illuutinut, 136 mio. koruunit pilersuinermut, 19 mio. koruunillu orsersortarfimmut atorneqassallutik.

Ilutigalugu allakkiami atuarneqarsinnaavoq, iluatsillugu mittarfik naalineqarlunilu amilineqarsinnaasoq. Ataatsimiinnermi, malitsigisaanillu tusagassiutitigut nalunaarutitigut Naalakkersuisup 1799 meterinut naalisitsinissaq eqqaavaa.

Qeqqata Kommuniata ARTEK/DTU-mi ilisimatuut oktoberip qaammataani oqaloqatigai, taakkulu Mittarfeqarfii allakkiaatigut paasissutissiisutigineqartut ilisarisinnaanngilaat. Amerikarmiut allattugaataanni paasissutissat naapertorlugit kiisalu namminneq 2000-ip kingorna uuttuinerminni kisitsisaatitik naapertorlugit ARTEK/DTU atortussiorsimavoq. ARTEK/DTU-p suliaat, oktoberip naanerani Mittarfeqarfii-nut nassiunneqarsimapput.

Kommunalbestyrelsimit ilaasortaallunilu Inatsisartunut ilaasortap Agathe Fontain-ip § 37 aqqutigalugu Naalakkersuisunut apeqquteqaateqarpoq, 2015-imilu novembarip pingajuani akissuteqatigineqartumi atuarneqarsinnaavoq

1. nutarterneqarnissaanut 2 mia. koruunit atorfissaqartinneqartut pillugit Mittarfeqarfii allakkioramik ingeniorimik siunnersorteqarsimanngitsut, soorluttaaq allatigut pitsaassutsikkut qulakkeerneqarsimanngitsoq
2. Inatsisartut 2015-imilu novembarip 12-iani angallannermi attaveqaqatigiinneq pillugu eqqartorneqartinnagu, timmisartuussineq pillugu pilersaarut aamma umiarsualiviit pillugit pilersaarut Inatsisartunit eqqartorneqassanngitsoq

Naalakkersuisoq Knud Kristiansen 2015-imilu novembarip 10-ani tusagassiortunik katersuutsitsinermini, mittarfik pillugu nutaamik pilersaarut saqqummiuppaa, tassanilu Ittoqqortormiit-ni, Tasiilaq-mi Qaqortoq-milu nutaanik mittarfiliornissaq kiisalu Nuuk-mi Ilulissat-nilu mittarfii tallineqarnissaat pineqarlutik. Ilutigalugu erseqqissaatigineqarpoq, mittarfii siunissami ataqatigilernissaannut Kangerlussuaq akuusoq, Kangerlussuullu tamakkiisumik ineriaartortinneqarsinnaanera, matumani nutaamik umiarsualiviliorqarnissaa atorluarneqassasoq. Taamaakkaluartoq nutarterneqarnissaanut aningaasartutissatut 1,9 mia. koruunit suli eqqartorneqarput, 2560 meterinullu naalisinneqarnissaa piviusunngorsinnaaniassammat, 250 meterit kingulliit ajornartorsiutitut massakkut eqqartorneqarlutik.

Inatsisartut Sanaartornermut ataatsimiitaliaa 2015-imilu novembarip 16-iani Kangerlussuarmut tikeraarniarpoq, tassanilu Kangerlussuaq pingaartillugu mittarfefqarfii timmisartuussisarnerillu pillugit Air Greenland-ip, Mittarfeqarfii, ARTEK/DTU-p Qeqqata Kommuniatalu ataatsimiitaliamut paasissutissiisutigissallugit. Tamanna iluatsillugu Qeqqata Kommunia novembarip 16-iani unnukkut Kangerlussuarmi innuttaasunik ataatsimiisitsissaaq.

Atuilluartuunissakkut kingunerisinnaasai

Siunissami ungasippallaanngitsumi milliarderpaalunnik nalilimmik mittarfinnik nutaanik

pingasunik, mittarfinnillu marlunnik talliliinissaq aningaasaqarnikkut atuilluartuuneruvallaanngilaq. Atugassaritaasut piusut atorneqarunik, periarfissallu atorluarneqarunik atuilluartuunerussaaq.

Aningaasaqarnikkut allaffissornikkullu kingunerisinnaasai

Allaffeqarfik isumaqarpoq, Naalakkersuisut Mittarfeqarfillu aningaasaqarnikkut naatsorsuisimaneri eqqortuuusut, taamaakkaluartorli 2 mia. koruunit appasinnerujussuussasut. Kangerlussuarmi Mittarfiup nutarterneqarnissaanut pisariaqartitsineq pillugu arlaannaannulluunniit attuumassuteqanngitsunik nalunaarusiortitsisoqartariaqarpoq/atortussiortitsisoqartariaqarpoq.

Allaffeqarfiup naliliinera

Allaffeqarfiup nalilerpaa, nutarterinissamut 2 mia. koruunit tungaannut aningaasartuutigineqarnissaat pillugu Mittarfeqarfiit allakkiaat, allakkiamillu taassuminnga Naalakkersuisup aallaaveqarniarnera ajornartorsiutaasorujussuusoq. Aningaasaqarnikkut nunatsinnut taamak unammillernartigisussamik allakkiaq imalik, ilisimatuunit siunnersortaallutillu engeniørselskabinit taperserneqarlunilu pitsaassutsikkut qulakkeerneqarsimasussaagaluartoq.

Allaffeqarfiup nalilerpaa, Kangerlussuarmi Mittarfimmik akisussaasut Nuummiinnerat, Kangerlussuarmilu Mittarfik pillugu naammattumik paasisimasaqannginnerat, pissutsillu iluamik misissornagit nutarterneqarnissaata pisariaqassusaanik annertoorujussuanngortitsiniarpasinnerat ajornartorsiutaasoq.

Allaffeqarfiup nalilerpaa, allanngorartumik paatsuunganartumillu avammut saqqummiunneqartartut aningaasaliisussanut qunusaareqataasut. Pingaartumik soorunamili Kangerlussuaq, aammali nunap sinnera eqqarsaatigalugu, mittarfinnummi tunngatillugu Namminersorlutik Oqartussani politikerit oqallitarneri allanngorarput, aningaasaqarnikkullu piviusorsiorpalaanngitsumik pilersaaruteqarlutik.

Ilutigalugu allaffeqarfiup nalilerpaa, mittarfiup aserfallatsaalineqartarneranut tunngatillugu Namminersorlutik Oqartussat Mittarfeqarfiit-llu kisimik suliaqaratik allat aamma akuutinneqartariaqartut, uanimi aserfallatsaalineqarnissaanut massakkut taamak annertutigisumik aningaasartuuteqartussanngorneq akisussaaffimmik sumiginnaanerummat. Mittarfimmik pissutsit atuutsiinnarneqarnissaanni, sutigut qanorlu aserfallatsaalisoqartariaqarnersoq Namminersorlutik Oqartussat Mittarfeqarfiillu nalornissuteqarnerat ersarippoq.

Allaffeqarfiup innersuussutaa

Allaffeqarfiup innersuussutigaa, Aatsitassanut Attaveqaqtigiinnermullu ataatsimiititaliap, Aningaasaqarnermut ataatsimiititaliap Kommunalbestyrelsillu paassisutissiissut tusaatissatut tigussagaat.

Aningaasaqarnermut ataatsimiititaliap suliamik suliarinninnerra

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap communalbestyrelsimit akuersissutigeqqullugit innersuussutigivai,

-paassisutissiissut tusaatissatut tiguneqassasoq

Aalajangiineq

Oqaaserineqartut ilanngullugit tusaatissatut tiguneqarpoq.

Ilanngussat

1. Lov om tilskud til Grønlands hjemmestyre af 14. maj 1991 (qallunaatuinnaq)
2. Naalakkersuisup borgmesterimut allagai 2015-imí juulip 28-aneersut, Mittarfeqarfíit 2015-imí maajip 19-ianí allakkiaat ilanngullugu
3. Naalakkersuisup borgmesterimut allagai 2015-imí aggustip 6-ianeersut
4. Borgmesterip ammasumik allagai 2015-imí septembarip 30-aneersut
5. Kangerlussuarmi aningaasaliinissamik pisariaqartitsineq pillugu Mittarfeqarfíit allakkiaat 2015-imí aggustip 28-aneersoq (qallunaatuinnaq)
6. Agathe Fontain-ip § 37 aqqutigalugu apeqqutaanut Naalakkersuisoq Knud Kristiansen-ip 2015-imí novembarip pingajuani akissuteqaataa
7. "Attaveqaqatigiinnerup nunarput ataqatigiississavaa" pillugu Naalakkersuisup 2015-imí novembarip qulingani saqqummiinera.

**Imm. 08 Kommunip pilersaarusrusiorfigineqarneranut tapiliussassat pillugit
oqaluuserisassanik nassiussitarneq kiisalu tusarniaasarnerni suleriaasissaq**

Journal nr. 01.00.03

Tunuliaqutaq

Kommunip pilersaarusrusiorfigineqarneranut tapiliussassat kommunalbestyrelsimit
akuersissutigineqartussat piffissaqarlularluni atuarsinnaaneqarnissaat pillugu
kommunalbestyrelsimit ilaasortaq Malene Ingemann siunnersuuteqarpoq. Kommunalbestyrelsip
2015-imi septembarip 24-ani ataatsimiinnerani siunnersuut eqqartorneqarpoq, aningasaqarnermut
ataatsimiititaliamiillu eqqartugassanngorlugu ingerlateeqqinnejarluni.

Qeqqata Kommuniata tusarniaasarnerminut atatillugu suleriaasiliornissaa pillugu
kommunalbestyrelsimit ilaasortaq Agathe Fontain, 2015-imi oktoberip 26-ani maileruteqarluni
oqaluuserisassatut siunnersuuteqarpoq.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
(aqutsinermut inatsit)

"§ 1. Kommunip susassaqarfiini kommunalbestyrelsi aqutsisuuvooq.

Imm. 3. Kommunalbestyrelsip suleriaasissani nammineq aalajangersassavaa.

**§ 8. Imm. 4. Borgmesterip sappinngisamik kingusinnerpaamik kommunalbestyrelsip
ataatsimiilernissaa ulluinnarnik sisamanik sioqqullugu ullormut oqaluuserisassat allassimaffiat
kommunalbestyrelsimi ilaasortanut nassiuttassavaa, kiisalu sappinngisamik kingusinnerpaamik
ataatsimiinnissaq ullunik pingasunik sioqqullugu suliat paasissutissallu ullormut oqaluuserisassani
suliassat nalilernissaannut atorneqartussat nassiunneqassapput..."**

Kommunalbestyrelsip suleriaasissaa, 2008-mi decembarip 19-iani ikaarsaariarnermi
ataatsimiititaliamit akuersissutigineqartoq.

**"§ 3. Kommunalbestyrelsimit apeqquteqaatit allakkatigut saqqummiunneqartassapput. Ilaasortaq
ileqqusumik ataatsimiinnissaq kingusinnerpaamik ullunik 21-inik sioqqullugu allakkatigut suliamik
oqaluuserinneqquulluni qinnuteqarsimappat, suliassaq oqaluuserineqassasoq taanna siullermik ataatsi-
miinnissami oqaluuserisassanut siulittaasumit ilanngunneqassaaq.**

**Imm. 2. Borgmesterip isumagissavaa ileqqusumik ataatsimiinnissaq kingusinnerpaamik ullunik 7-
inik sioqqullugu oqaluuserisassanut takussutissiaq Kommunalbestyrelsimi ilaasortanut tamanut
nassiunneqarnissaa.**

Pilersaarusrusiorneq aamma nunaminertat atorneqartarnerat pillugit Inatsisartut inatsisissaat nr. 17, 17.
november 2010-imeersoq.

**"§ 23. Kommunimut pilersaarutissatut siunnersuut akuersissutigineqareerpat kommunalbes-
tyrelsip siunnersuut tamanut saqqummiutissavaa. Kommunalbestyrelsi siunnersuutinik arlalinik
qinigassiilluni tamanut saqqummiussisinnaavoq.**

**Imm. 2. Kommunalbestyrelsimi ikinnerussuteqartut kikkulluunniit kommunimut pilersaarutissatut
siunnersuummut akuerineqartumut allatut isumaqarnertik kommunalbestyrelsip aalajangiinerinik
allattuiffimmuit ilannguteqquullugu piumasaqarsinnaavoq. Saqqummiussine-rup peqatigisaanik
ikinnerussuteqartut pineqartut allatut isumaqarnerat, ikinnerussuteqartut tamatumunnga**

tunngavilersuutitut naatsumik allassimasaat ilanngullugu, kommunalbestyrelsip saqqummiutissagaa ikinnerussuteqartut piumasarisinnaavaat.

Imm. 3. Kommunimut pilersaarutissatut siunnersuut, imm. 2 naapertorlugu ikinnerussute-qartut allatut isumaqarnerannik ilanngussartaqartoq, innuttaasunut tikikkuminartumut inissil-lugu, minnerpaamik sapaatit akunnerini 8-ni kikkunnut tamanut takusassiarineqassaaq. Tamanut saqqummiussinermi kommunimi saqqummiussisoqartillugu nalinginnaasumik peri-aasiusartut atorneqassapput. Kommunimut pilersaarutissatut siunnersuut kommunip nittarta-gaani imaluunniit qarasaasiaq atorlugu, nunami sumiiffinnut tamanut paassisutissanik katersu-iffimmik takuneqarsinnaassaaq.

Imm. 4. Tamanut saqqummiussinermi imm. 3 naapertorlugu oqaaseqaateqarnissamut siunnersuummullu allannguutissatut siunnersuuteqarnissamut piffissarititaasoq nalunaarutigineqassaaq.

Imm. 5. Kommunalbestyrelsip kommunimut pilersaarutissatut siunnersuutip siunertai imari-saalu pilligit tamanut ammasumik oqallittoqalernissaa siunertalarlugu paasititsiniaaneq inger-latissavaa. Tamanut ammasumik saqqummiussineq kommunimi nalinginnaasumik periaasiusartut malillugit ingerlanneqassaaq.”

Kommuni qanoq tusarniaasassanersoq kommunalbestyrelsip nammineerluni aalajangigassaraa.

Pissutsit atuuttut

Kommunalbestyrelsip suleriaasiani § 3-mi imm. 2 naapertorlugu ileqqusumik ataatsimiinnissaq kingusinnerpaamik ullanik arfineq-marlunnik sioqqullugu oqaluuserisassat nassiunneqartarput, tamannalu aqtsinermut inatsisitigut piumasaqaatigineqartoq naapertorlugu ulluinnarnik marlunnik sivisunerulluni.

Kommunip pilersarusiorfigineqarnera, tapiliussassanillu pilersarusiortarneq inatsit naapertorlugu suliarineqartarput.

Kommunip pilersarusiorfigineqarneranut tapiliussassatut siunnersuutissat suliarineqarnissaat sioqqullugu, communalbestyrelsimi ilaasortat naapillutik ataatsimiinnerini aallaavittut eqqartugassatut saqqummiunneqartarput. Malitsigisaanik kommunip pilersarusiorfigineqarneranut tapiliussassat sapaatip akunnerini arfineq-pingasuni tamanut tusarniutigineqarnissaat sioqqullugu, aningaasaqarnermut ataatsimiittitaliamit, tassanngaanniillu communalbestyrelsimit siullermeertumik eqqartorneqartarlutik. Kattuffiit peqatigiiffiillu immikkut nassinneqarneq ajorput, tusarniutillu illoqarfinni aviisitigut, nittartakkakut allagarsiivikkullu saqqummiunneqartarlutik.

Aningaasaqarnermut ataatsimiittitaliaq pilersaarutinik suliaqartartuummat, taamaalillunilu kommunip pilersarusiorfigineqarneranut tapiliussassat communalbestyrelsimit ingerlateqqinnejarnissaat sioqqullugu sulianik suliarinnittartuummat, kommunip pilersarusiorfigineqarneranut tapiliussassat communalbestyrelsimit ingerlateqqinnejartarneri maannamit siusinnerusumik ingerlateqqinnejarnissaat anguniassagaanni, Aningaasaqarnermut ataatsimiittitaliap ataatsimiittarnissaat communalbestyrelsip ataatsimiinnissaat sioqqunnerullugu ingerlanneqartalersinnaapput. Massakkut Aningaasaqarnermut ataatsimiittitaliaq qaammatip ingerlanerani marlunngornerit pingajussaani ataatsimiittarpoq, communalbestyrelsili qaammammi sisamanngorneq kingulleq ataatsimiittarmat, ataatsimiinnissarlu sapaatip akunneranik sioqqullugu oqaluuserisassat nassiunneqartarmata, Aningaasaqarnermut ataatsimiittitaliap ataatsimiinneranit ullut marluk qaangiuttullu oqaluuserisassat nassiunneqartarput.

Aningaasaqarnermut ataatsimiititaliaq siusinnerusumik ataatsimiitallersillugu ataatsimiiffissaat nikisinneqarsinnaapput, taamaalilluni communalbestyrelsip ataatsimiinnissaanut oqaluuserisassat siusinnerusumik nassiunneqartalerlutik. Kisianni taamatut aaqqisoqassappat, ataatsimiititaliat ataavartut sinnerisa oqaluuserisaasa ilaat Aningaasaqarnermut ataatsimiititaliamut ingerlateqqinneqartarmata, taakku ataatsimiittarfii aamma nikisinneqartariaqput. Ataatsimut isiginnilluni, ataatsimiititaliat tamarmik maannamut sanilliullugu siusinnerusumik ataatsimiittalissappata, communalbestyrelsimit atortussat kingusinaakannerlutik eqqartorneqartaleratarsinnaanerat allannguinissap navianaatigaa.

Allatut iliorluni aamma kommunip pilersaarusrfigineqarneranut tapiliussassat Aningaasaqarnermut ataatsimiititaliamut nassiunneqartillugit aamma communalbestyrelsimit nassiunneqartalersinnaapput, kisianni taamatut iliorqartalissappat Aningaasaqarnermut ataatsimiititaliaq pilersaarutinik suliaqartartutut atuutaarutipajaassaaq. Aningaasaqarnermut ataatsimiititaliap kommunip pilersaarusrfigineqarneranut tapiliusassaq itigartitsissutigalugu allaffeqarfimmut suliaq uterteqqikkuniuk, taava Aningaasaqarnermut ataatsimiititaliap suliaq itigartitsissutiginikuummagu, communalbestyrelsi ataatsimiinnermini eqqartortariaarutaminik nassinneqarsimassaaq.

Atuilluartuunissakkut kingunerisinnaasai

Kommunip pilersaarusrfigineqarneranut tapiliussassat eqqarsaatigalugit aalajangersimasumik qulequtaqarluni allaffeqarfiup tungaaninggaaniit communalbestyrelsip piareersarneqartarnera, innuttaasunillu ataatsimiisitsisoqartarnera atuilluartuuneruvoq, taamaalilluni paassisutissanik pissarsilluarsimaqqaartilluni aalajangiisoqartarluni.

Allaffeqarfiup naliliinera

Massakkut aalajangersimasumik qulequtaqartitsilluni oqallitsitsinikkut innuttaasunillu ataatsimiisitsinikkut sapinngisamik annertuumik paassisutissanik tunioraasarnikkut, oqaluuserisassanik kingusinnerpaamik nassitsisarnissaq ullanik tallimanik ilaneqarnissaa qulakeeruminaassaaq. Matumani tusarniuteqarnermi oqaaseqaatit suliamut ilanngussuunnissaat, suliamillu tamakkiisumik nutserisitsinissaq eqqarsaatigalugit allaffeqarfimmi piffissakillioreermata.

Pilersaarusrneq pillugu inatsit naapertorlugu communalbestyrelsimi ikinnerussuteqartut kikkulluunniit kommunimut pilersaarutissatut siunnersuummut akuerineqartumut allatut isumaqarnertik siunnersuutip nassiunneqarnerani communalbestyrelsilluunniit aalajangiinerinik allattuiffimmut ilannguteqqullugu piumasaqarsinnaareermata allaffeqarfiup innersuussutigaa, oqaluuserisassanik nassitsisarneq ullanngortinnejqarani, Malene Ingemann-ip siunnersuutigisaatut suliamik aalajangiisussanut tamanut allannguutaasut ersarittalerniassammata, kommunip pilersaarusrfigineqarnera aamma tapiliusassat tamanut tusarniutigineqareernerisa kingorna ilassuit/allannguutit aappalaartumik ersarissartalernissaat allannguutigissagaa. Suliaq akuersissutigineqariarp, allannguutit aappalaartumik qalipaaserneqarsimasut qernertunngortinnejqassapput.

Siunissami suliamik aalajangiisoqassatillugu innuttaasunut kiisalu kattuffinnut peqatigiiffinnullu eqqugaasussanut/attuumassuteqartunut immikkut tusarniutinik nassitsisoqartalernissaanik siunnersuut allaffeqarfiup tapersorsorpaa.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut innersuussutigaa akuersissutigeqqullugit:

- Kommunalbestyrelsip oqaluuserisassaasa nassinneqartarnissaanut massakkut piffissaliussaq allanngortinneqassan**ngitsoq**
- Kommunip pilersaarusrfigineqarnera aamma kommunip pilersaarusrfigineqarneranut tapiliussassat tusarniutigineqareernerini, inaarutaasumik akuerineqarnissaat pillugu saqqummiunneqaraangata siulanut sanilliullugu allannguuit ersarissarlugit aappalaartumik qalipaaserneqartalissasut. Inaarutaasumik akuersissutigineqaraangata qernertumik qalipaaserneqartassapput.
- Siunissami suliamik aalajangiisoqassatillugu innuttaasunut kiisalu kattuffinnut peqatigiiffinnullu eqqugaasussanut/attuumassuteqartunut immikkut tusarniutinik nassitsisoqartalissasoq.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 17-ian 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap communalbestyrelsimit akuersissutigeqqullugit innersuussutigivai,

- Kommunalbestyrelsip oqaluuserisassaasa nassinneqartarnissaanut massakkut piffissaliussaq allanngortinneqassan**ngitsoq**
- Kommunip pilersaarusrfigineqarnera aamma kommunip pilersaarusrfigineqarneranut tapiliussassat tusarniutigineqareernerini, inaarutaasumik akuerineqarnissaat pillugu saqqummiunneqaraangata siulanut sanilliullugu allannguuit ersarissarlugit aappalaartumik qalipaaserneqartalissasut. Inaarutaasumik akuersissutigineqaraangata qernertumik qalipaaserneqartassapput.
- Siunissami suliamik aalajangiisoqassatillugu innuttaasunut kiisalu kattuffinnut peqatigiiffinnullu eqqugaasussanut/attuumassuteqartunut immikkut tusarniutinik nassitsisoqartalissasoq.

Aalajangiineq

Innersuussutigineqartut akuersissutigineqarput.

Ilanngussat

1. Kommunalbestyrelsip 2015-imi septembarip 24-ani ataatsimiinnerani imaqarniliaq, Malene Ingemann-ip oqaluuserisassanut siunnersuutaa.
2. Kommunalbestyrelsip suleriaasia, 2008-mi decembarip 19-ianeersoq
3. Qeqqata Kommuniata tusarniaasarnerminut atatillugu suleriaasiliornissaa pillugu Agathe Fontain-ip 2015-imi oktoberip 26-ani oqaluuserisassatut siunnersuutaa

**Imm. 09 Qeqqata Kommunianut tunngatillugu kukkunersiusut nalunaarutaat nr. 19
aamma nr. 20**

Journalnr. 06.04.01

Tunuliaquaq

BDO Kommunitukukkunersiusui 2015-immi septembarip qilingani maileruteqarlutik, nalunaarutit nr. 19 aamma nr. 20 tullinnguuttunut tunngassuteqartut nassiuppaat:

- 2014-imut Namminersorlutik Oqartussanut tunngasut kommunip naatsorsuusiorfigisaasa kukkunersiorneri – Ukiut naatsorsuuseriffiusumut 2014-imut nalunaarusiapi laa,
- 2014-imut naatsorsuutit kukkunersiorneqarneri – 2014-imut naatsorsuutit pillugit inaarutaasumik nalunaarusiaq.

Maleruagassatigut tunngavissat

Aqutsinermut inatsisip § 48-ani imm. 5 naapertorlugu, kukkunersiusut oqaaseqaataannik kommunalbestyrelsi akissuteqartussaavoq, aalajangiisoqaannartorlu akissuteqaatit Nakkutilliisoqarfimmumt nassiuttussaallugit.

Pissutsit atuuttut

Kukkunersiusut nalunaarutaat nr. 19.

Kukkunersiusut inaarutaasumik inerniliinerminni ima allassimapput: *Kommunip Namminersorlutik Oqartussanut attuumassuteqartut akilersinniarnerini ogimaaqatigiisissimanerai misissuiffigivarput. Aammattaarlu misissuiffigalutigu, kommunip nalunaarsugai utertitassatullu aalajangersakkanut isumaqatigiissutinullu naapertuunnersut. Taamatuttaarlu misissuiffigivarput, Namminersorlutik Oqartussanut ingerlaavartumik akiligassiissutissat isumannaarneqartarsimanersut, matumani suleriaatsitigut eqqortumik immikkoortitsisarnerit isumannaarneqarsimanersut ilanggullugit*

Namminersorlutik Oqartussat susassaqarfíni kommunip suleriaasii nalinginnaasumik piissusissamisoorput tutsuiginartuullutillu. Suliffissaqartitsiniarnermut taamatullu isumaginninnermut tunngasutigut 2014-immi, inunnut tunngasut suliarisarnerinut atatillugu, pisortaaasut nakkutilliinissaat naammaginartumik pisortatigoortumik aaqqiivigineqarsimanngilaq.

Namminersorlutik Oqartussanut tunngasut ”2014-imut naatsorsuutit”-nut kiisalu ”2014-imu isumaginninnikkut aningaasartuutit inaarutaasumik naatsorsuusiorneri” pillugit kukkunersiusut uppernarsaapput. Atuinerit, Namminersorlutik Oqartussanit utertitassatut tiguneqarsimasunut naapertuupput. Uppernarsaanerni taakkunani marlunni inerniliunneqarpoq, pingarnertut pisuni tamani naatsorsuutit/nalunaarsuinerit, kommunip ingerlataanni angusat eqqortumik takussutissiisut.

2014-imut Namminersorlutik Oqartussanut tunngasut kommunip naatsorsuusiorfigisaasa kukkunersiorneri pillugit kukkunersiusut nalunaarusiaminni nr. 19-immi tullinnguuttutut oqaaseqaateqarput, taakku ataatsimiitidianit akissuteqaatinik malitseqartinneqarlutik:

Aqutsisut nakkutilliinerat.

Ilaqtariinnermut immikkoortortaqarfik kiisalu Inuussutissarsiutinut Suliffissaqartitsiniarnermullu immikkoortortaqarfik Kukkunersiusunit innersuutigineqarpoq Aqutsisut nakkutilliisarnerat atuutilersinneqassasoq (Illup iluani nakkutilliineq). Kukkunersiusut ukiuni arlaqartuni malugigaangamikku tamanna uparuartarpaat, nalilersuinerminilu ilangguppaat

immikkoortortaqarfinni tamanna pitsanngoriaateqarsimanngitsoq.

Ilaqtariinnermut ataatsimiititaliaq ima akissuteqarpoq, aqutsisut aningaasaqarnermik nakkutilliinissaat pillugu paasitinneqareersut, soorluttaaq suliat suliarineqartarnerinut atatillugu suleriaasissat eqqortut paasissutissiutigineqareersut. Tamanna suliat pillugit ataatsimiittarnikkut sulianik tigusilluni misissuataarisarnikkut kiisalu aqutsisut ataatsimiillutik Sisimiunut Maniitsumullu tunngatillugu missingersuutinik misissuisalerneqartut ileqquasanngortinneqarpoq. Tassuunakkut aqutsisut tamarmik missingersuutinut piginneqataasutut misigisimalersarput, qaammatikkaartumillu nalunaarusiatigut nikingassutit il.il. pillugit oqaaseqartinneqartalerlutik, ilutigalugulu pisortat nakkutilliinissaat malinneqarluni.

Inuussutissarsiutinut Suliffissaqartitsiniarnermullu ataatsimiititaliaq ima akissuteqarpoq, Kommunimut aqutsisut nakkutilliisut 2014-imi nakkutilliuarnerusimasinnaasut ilumoortoq. Ajoraluartumik pisortatut atorfillit taarserarsimapput, taamaalillunilu pisortaanertut, ilinniartitaanermullu pisortatut atorfiiit marluk nutaanik inuttalerneqarlutik. Pisortat nakkutilliinissaasa, pitsaassutsikkullu nakkutilliinissaq pitsanngorsaavigineqarnissaa pillugu pisortaaqatigiit suliamik aallartitsinikkuupput. Taamaalilluni pisortat nakkutilliuarnerunissaat, taamatullu inuutissarsiutinut suliffissaqartitsiniarnermullu tunngasuni, matumanit tjeklistit atorneqalernissaat ilanggullugu, suliniutinik aqtsilluarnerunissaq anguniarneqarluni.

Piginnaanngorsaqqiinerit

Kukkunersiusut oqaatigaat, Sisimiuni piginnaanngorsaqqiinerut tunngatillugu Namminersorlutik Oqartussanit utertitassat, 2014-imi juunip 23-ata tungaanut ataavartumik utertinneqartut.

Tamatuma kingorna piginnaanngorsaqqiinerut atatillugu aningaasartuutinik naatsorsuutinut ikkussuisoqarsimanngilaq, soorluttaaq Namminersorlutik Oqartussanit utertitsisoqarsimanngitsoq. Aningaasartuuteqarsimatillugu naatsorsuutinut ikkussuisoqartarnissaa kiisalu Namminersorlutik Oqartussanit utertitassat ataavartumik utertinneqartarnissaat innersuussutigaarput.

Kukkunersiusut piginnaanngorsaqqiinermi sulianik misissuinermanni maluginiarpaat, suliani arlalinni – killilimmilluunniit – paasissutissat pisariaqartinneqartut pissarsiarineqarsimanngitsut. Ilanggullugu kukkunersiusut oqaatigaat, Maniitsumi sulianik tigulaarinermi paasineqarpoq, suliffeqarfimmi piginnaanngorsaqqiinerup aallartinnerani, utertitsinissamut procentip allanggortinneqarnissaa suliffeqarfimmut isumaqatigiissutigineqarsimasoq. Matatuma saniatigut sulisinhaassusaata apparsimaneranut uppermarsaat amigaatigineqarpoq.

Suliani nassuaatigineqarluni iliuuserineqarsimasoq, maleruagassanut atuuttunut naapertuitinngitsoq isumaqarpugut.

Inuussutissarsiutinut Suliffissaqartitsiniarnermullu ataatsimiititaliaq ima akissuteqarpoq, Sisimiuni Piareersarfik ingerlanneqarnerata tunniunneqarneratigut, ilaqtigut sulisut taarserarnerisut, suleriaatsinillu nutaanik eqquassinikkut, 2014-imi ukiup affaata aappaani ingerlanneqarnera eqqugaasimasoq ilumoortoq. Suleriaatsit taakku iluarsiiffigineqarnissaat sulissutigineqarnikuuvooq. Piginnaanngorsaqqiinermi suliat ukiorpaalunni kukkusumik amigartumillu suliarineqartarsimasut ilumoortoq. Sisimiuni piginnaanngorsagassat pillugit suliat tamarmik ukiup naanerani misissorneqarput. Taamaalilluni 2014-imi ukiup affaani kingullermi piginnaanngorsaqqiisimanermi aningaasartuutigineqarsimasut naatsorsuutinut ikkussuunneqarlutillu utertinneqarput, taamaakkaluartorli ukiup affaata aappaani aningaasartuuteqartoqarsimanngilaq, taamaalillunilu Sisimiuni piginnaanngorsaqqiinerut atatillugu utertitassaqarsimanani. 2014-ip naanerani Sisimiuni arfineq-marluinnaat piginnaanngorsagaasimapput.

Siusinaartumik pensionit

Kukkunersiuisut paasivaat, siusinaartumik pensionsianut kontomi, 65-ileereersimasunut tunniussisoqartarsimaneranik nassaassaqartoq.

Siusinaartumik pensionsiallit 65-ileereersimasut, qaammammi 65-iliiffiini, utoqqalilluni pensionisiallittu nuutsinnejartussaapput.

Tamanna utertitassanut sunniuteqarmat, ilaannullu aningaasanut tunniunnejartartunut immaqa sunniuteqarmat innersuussutigineqarpoq, pissutsit eqqortumik iluarsineqarnissaat pillugu tamanna misissuiffigineqassasoq.

Ilaqutariinnermut ataatsimiitaliaq ima akissuteqarpoq, Utoqqanut Immikkoortortaqarfiup aqutsisut nakkutilliinerat sukateriffiginikuugaa, tamatumanilu qaammatit tamaasa suliat qulit, taakkunangna siusinaartumik pensionisiallit tallimat, utoqqalillutilu pensionisiallit tallimat misissorneqartartut. Suliat oqaaseqarfugalugit nalunaarsiortoqartapoq, suliallu allakkianik amigaatigineqaraangata, sullisisut aaqqiissuteqarnissaannik imaluunniit allakkiornissaannik piumaffigineqartarlutik. Tamanatuma saniatigut akileraarut akilertinnagu isertitat Utoqqarnut Immikkoortortaqarfiup misissortarpai, tassani siusinaartumik utoqqalinersialinnut pensionisialinnullu tunniunnejartartut ajunnginnersut, siusinaartumillu pensionisiallit 65-iliisut utoqqalilluni pensionisiaqalersinneqarsimanersut misissorneqartarluni. Tamatuma saniatigut siusinaartumik pensionisiallit 65-iliisimasut piffissaagallartillugu utoqqalillutik pensionisiallittu nalunaarsorneqarnissaat qulakteerniarlugu, siusinaartumik pensionisialinnut aningaasat tunniunnejartartut pillugit allattorsimaffik sullisisut akulikitsumik misissortarpaat. Sullisisut ulloq aalajangersimasoq siusinaartumik pensionisialinnut tunniunnejartartunik misissuisarput.

Erninermusiat

Kukkunersiuisut oqaatigaat, suliat immikkoortitat misissuataarneqarnerini, aningaasanik tunniussisimanerit ilaat kukkannejartut. Matumanilu pingaartumik erninissaq sioqqullugu sulisimanermi akunnerit amerlassusaat (erninermusiassat naatsorsorneqarnissaannut tunngaviusut) kukkusumik naatsorsorneqartarsimanerat patsisaavoq.

Ilaqutariinnermut ataatsimiitaliaq sinnerlugu aningaasaqarnermut ataatsimiitaliaq tulliuttutut akissuteqartariaqarpoq: erninermusiat tunniunnejartartut iluarsiivigineqareerput, siunissamilu sapaatip akunneranut ullunut arfineq-marlunnut tunniussoqaran, ullunut tallimanut tunniussisoqartalissalluni. Matumanilu Sisimiut aamma Maniitsoq pineqarput. Tunniussisarnerit naapertorlugit suleriaasissat sularineqarpoq.

Ilinniagaqarnermusiat

Kukkunersiuisut paasivaat, 2014-imi septembarimi ilinniarfiusumit akuerisaanngitsumik atuanngitsoorsimanermi ilinniagaqarnermusianit ilanngaavagineqarsimanngitsut.

Allaffissornikkut suliaq annertuallaarnera tunngavigalugu, ukioq atuarfiusumi 2014/2015-imi ilinniagaqarnermusianit atuanngitsoornermi ilanngaavagineqarsimanngitsut, kukkunersiuisut Sisimiuti Piareersarfimmit paasitinnejarput.

Siliani nassuaatigineqarluni iliuuserineqarsimasoq, maleruagassanut atuuttunut naapertuutinngitsq isumaqarpugut.

Inuussutissarsiuutinut Suliffissaqartitsiniarnermullu ataatsimiitaliaq ima akissuteqarpoq, 2014-imi agustimi, septembarimi oktoberimilu Ilinniagaqarnersiuitit pillugit Namminersorlutik Oqartussat nalunaarutaat nr. 21, 13. december 2012-imeersoq naapertorlugu, ilinniartut

atuangitsoorsimanermi ilanngaavagineqartarsimanngitsut Ilumoortoq. Sisimiuni Piareersarfik suliariumannittussarsiuunneqarnerani 2014-ip ukiup affaani kingullermi naapertutinngitsumik aqutsinermik kinguneqarsimavoq, ilaatigut sulisoqarnikkut taarseraattoqarnera patsisaalluni. Tamanna kukkuluttornernik kinguneqarsimavoq, ilinniagaqarnersiutinik ilanngaassineq pillugu kukkuluttorneq, 2014-imí novembarimit aaqqinneqarpoq, taamaalillunilu ukioq atuarfiusoq 2014/2015 sinnerani ajunngitsumik ingerlalluni.

Kukkunersiusut nalunaarutaat nr. 20

2014-imut naatsorsuutit pillugit inaarutaasumik nalunaarusiaq pillugu kukkunersiusut nalunaarutaat nr. 20 pillugu kukkunersiusut tullinguututut, eqikkarneqartunilli akissuteqarput, taakku ataatsimiitalianit akissuteqaatinik malitseqartinnejarlutik:

Missingersuutit akuersissutillu nakkutigineri.

Pingaarnertut kontot arlallit missingersuutitigut sipporneqarsimapput, pingaarnertullu Ilaqtariinnermut Immikkoortortaq aamma Ilinniartitaanermut, Kulturimut Sunngiffimmullu Immikkoortortaq sippuisimallutik. Kommunalbestyrelsi aningaasaliinissamik nalunaaruteqarsimatinnagu, aningaasartuutaasinnaasunik isertitaqaataasinnaasunillu aallartitseqqusaannginnejq pillugu Aqutsinermi inatsimmi allassimasoq kukkunersiusut kingumut erseqqissaatigeqqippaat.

Ilaqtariinnermut ataatsimiitaliaq ima akissuteqarpoq, ataatsimiitaliap akisussaaffiisa iluani kontut arlallit aningaasaliissutitigut atuinertigullu nikingassuteqarsimasut ilumoortoq. Sulisut taarserarsimanerat kiisalu illoqarfinni marluusuni ilaqtariinnermut pisortaqarsimannginnejq tamatumunnga patsisaavoq.

2015-ip aallartinnerani aqutsisunut tamanut, kommunip suliffeqarfitaani pisortanut, immikkoortortamilu pisortanut aningaasaqarneq pillugu aqutsinermik aamma aqutsisut aqutsinissaat kiisalu sulisunik aqutsinissaq pillugu pikkorissaasimanikkut, aningaasaqarnikkut aqutsinermik Ilaqtariinnermut ataatsimiitaliaq sukaterinikuvoq. Tamatuma saniatigut 2015-imí aggustip aallaqqaataani illoqarfinni marluusuni ilaqtariinnermut pisortanik atorfinititsisoqarpoq, taamaattumillu aningaasaqarnikkut aqutsinissaq nakkutigilluarneqarnerulerluni.

Ilinniartitaanermut, Kulturimut Sunngiffimmullu ataatsimiitaliap akisussaaffimmi iluini kontoni arlaqartuni aningaasaliissutit atuinerillu nikingassuteqarnerat akissuteqaatiminí ilumoornerarpaat. Allafeqarfinni pisortatut atorfillaat 2014-imí ajoraluwartumik allanngornikuupput, taamaattumillu aningaasaqarnermik aqutsinissaq naammattumik nakkutigineqarsimanani. Atuarfeqarfimmuit tunngatillugu nukissanik assigiinnerusumik agguassinissaq pillugu ilusernik atuutsitsilernermigut, qammatikkaartumillu aningaasaqarneq pillugu nalunaarutit sukateriffingeqarnerisigut naapertuttungorsarneqarnerisigullu, 2015-ip ingerlanerani ataatsimiitaliap aningaasaqarneq sukateriffinginikuua. Suliffeqarfuit assigiinngitsut aningaasaliissutinut sanilliullugu atuinerminnik nikingasooruteqartut, aningaasaqarnikkut sukangasuumik ingerlatsilernissaannik ataatsimiitaliamit piumaffigineqarnikuupput. 2015-imí aningaasanik nuutsinissamik ataatsimoortumik suliassaq, novembarip qaammataani ataatsimiitaliamut saqqummiunneqassasoq naatsorsuutigineqarpoq.

Suliniutinut assigiinngitsunut Naalakkersuisunit tapiiffingeqartartut.

Kukkunersiusut oqaatigaat, Namminersorlutik Oqartussanit tapiissutit ukununnga tunngasut

- A. Nunaqarfinni, nunaqarfinnilu isorliunerusuni inuutissarsiutitigut
suliffissaqartitsiniarnikkullu suliniutit piviusunngortinnejarnissaat

- B. 2014-imi suliffissaaleqisunut iliuusissanik pilersaarusiornissaq pillugu isumaqtigiissut
- C. Ilaqtariinnut Inerisaavimmut kiisalu Ilaqtariinnut Kiffartuussivimmut tunngatillugu ilaqtariinnut højskolertitsinermut atatillugu akissarsiatigut tapiissutit tapiissutillu allat aningaasartuutivinnut naapertuutissasut.

Kukkunersiusut innersuussutigaat, Namminersorlutik Oqartussanit tapiiffigineqarlutik kommunip suliniutinut aqtsinerminik, matumani aningaasartuutigineqarsimasut tapiissutillu tiguneqarsimasut kiisalu taakkununnga aningaasaliissutigineqarsimasut ilangulligit sukaterissasoq.

A pillugu. ”Nunaqarfinni, nunaqarfinnilu isorliunerusuni inuutissarsiutitigut suliffissaqartitsiniarnikkullu suliniutit piviusunngortinnejarnissaat” pillugu kukkunersiusut sulianit tigulaarinermanni paasivaat, suliniutit ilaannut 2014-imi taamaallaat atortussanik piniartoqarsimasoq. Taamaattumik kukkunersiusut nalilerpaat, suliniutit taakku suliffissaqartitsiniarnermut annertuumik sunniuteqarsimanngitsut, taamaallilunilu kommunimi 2014-imi suliffissaaleqisunut ikilisaataasimanngitsoq. Tamanna kommunimut aningaasaliissuteqarnikkut siunertaasimagaluarpoq. Kommunip paasissutissiissutigaa, suliniutit taakku 2015-imi naammassineqassasut.

Aningaasaqarnermut ataatsimiitaliaq tulliuttutut akissuteqartariaqarpoq:

Nunaqarfinnut tunngatillugu suliniutit ilaat 2014-imi naammassineqarsimanngitsut ilumoorpoq, taakkulu aatsaat 2015-imi naammassineqarsimallutik. Nunaqarfinnut aningaasaliissutit pillugit Namminersorlutik Oqartussanut isumaqtigiissut 2014-ip ingerlanerani aatsaat isumaqtigiissutigineqarmat taamak pisoqarpoq, taamaanneratigullu 2014-ip ingerlanerani suliniutit ingerlanneqarnissaannut piffissaalatsinarluni.

Tamatumani saniatigut aningaasaliissutit ukiumit ukiumut allanngorartarput. Siullermik Nunap immikkoortuisa ineriertortinnissaannut periusissaq sammineqarpoq, kingorna nunaqarfiit immikkut sammillugit nunaqarfinnut aningaasaliissutit pineqarlutik. Taamatuttaaq aningaasat amerlassusaat ukiut ingerlanerini allanngortinnejartarput, assersuutigalugu 2014-imit 2015-ip tungaanut 5 mio. koruuninit 2,5 mio. koruuninut apparinneqarlutik.

Suliniutit pilersaarusiorneqarnissaannut ingerlanneqarnissaannullu piffissaalatsinarpoq, taamaattumillu ukumi isumaqtigiissusiorfigineqartup iluani suliniutit tamarmik naammassiuminaattarlutik. Pissutsit taamaatsillugit ukiup tullissaanut nunaqarfinnut aningaasaliissutit imaluunniit kommunip nammineq aningaasaatai siunertamut atorneqartariaqarput, tamannalu suliniutini kukkunersiusut eqqaasaanni pisimalluni.

Nunaqarfinnut aningaasaliissutit aamma suliffissaaleqisunut tunngatillugu Inuussutissarsiornermut, Suliffeqarnermut Niuernerullu Naalakkersuisoqarfimmuit isumaqtigiissutit, ukumi pineqartumi qaammaterpaaluit ingerlareersut pinnagu, piffissaagallartillugu ukiup nutaap aallartinnginnerani isumaqtigiissutigineqartassasut kissaatiginarpoq.

B ”2014-imi suliffissaaleqisunut iliuusissanik pilersaarusiornissaq pillugu isumaqtigiissut” pillugu kukkunersiusut oqaatigat, Sisimiut Piareersarfiup Qeqqata Akademimut tunniunneqarneratigut kiisalu sulisut taarserarsimanerisigut, utertitatut tiguneqarsimasut aningaasartuutigineqarsimasullu, Namminersorlutik Oqartussanut isumaqtigiissutigineqarsimasunut naapertuunnersut ataatsimoortumik malinnaaviguminaatsinneqarsimasut.

Sisimiuni Piareersarfiup suliariumannittussarsiuunneqarnera patsaalluni, 2014-imi ukiup affaata aappaani, ilaatigut sulisut taarserarsimanerisa kingunerisaanik aqtsilluarsimasoqarsimannginnera

Inuussutissarsiutinut Suliffissaqartitsiniarnermullu ataatsimiititaliap ilumoornerarpaa. Tamatum kingunerisaanik siornatigut kontoplanimut nalunaarsuisarsimanermut sanilliullugu allaanerusumik nalunaarsuisoqartarsimavoq. Taamaakkaluartoq Inuussutissarsiutinut Suliffissaqartitsiniarnermullu ataatsimiititaliaq isumaqarpoq, Namminersorlutik Oqartussanut isumaqatigiissusiorsimanerit naapertorlugit aningaasaqarnermut naatsorsuutinut nalunaarsuisoqartarsimasoq.

Inuuussutissarsiutinut Suliffissaqartitsiniarnermullu ataatsimiitaliap oqaatigaa, Piareersarfimmi ingerlatat Namminersorlutik Oqartussani immikkoortortanit assiginngitsunit, assigiinngitsunillu sullissisoqarnerisigut, Namminersorlutik Oqartussat tapiissutaannik aqutsinissami ajornakusoortitsisoq. Piareersarfimmum tunngatillugu assigiinngitsunik sullissiulerluni isumaqatigiissuteerarpassuaqarani ataasiinnarmik isumaqatigiissuteqarsinnaagaluaraanni paasuminarnerussagaluartoq. Taamatut eqqarsaatersuuteqarnermut Namminersorlutik Oqartussat isumaqataapput, 2015-imilu isumaqatigiissusiornissami isumaqatigiissutit isumaqatigiissummut ataatsimut ataatsimoortinneqartussaanikuugaluarput, tamannali pinngitsoormat siusinnerpaamik aatsaat 2016-imi ataatsimoortinneqarsinnaalissapput.

Tamatuma saniatigut Inuussutissarsiuinut Suliffissaqartitsiniarnermullu ataatsimiititaliaq isumaqarpoq, Namminersorlutik Oqartusanut isumaqatigiissusiornissat siusinnerusukkut pisarsinnaagaluartut, taamaalilluni Piareersarfimmut, pingaartumillu suliffissaaleqisunut tunngatillugu ukiup nutaap aallartippallaannginnerani pilersaarusiorfigineqarsinnaassammata. Sikuunerata ukiuuneratalu kingunerisaanik aalisartut sanasullu suliffissaaleqisut ukiup affaata siulliani nalinginnaasumik amerlanersaasarmata, suliffissaaleqisut eqqarsaatigalugit tamanna pingaarteqarnerpaavoq.

Kommuni 2014-imi aqutsilluarnerusimasinnaasoq aamma ilumoorpoq. Pisortatut atorfiiit ajoraluartumik nikerarnikuupput, matumanilu Ilinniartitaanermut pisortaanertut atorfik, pisortatullu atorfiiit marluk nutaanik inuttalerneqarlutik. Kommunimi aqutsisut nakkutilliinerisa, pitsaassutsikkullu nakkutilliinerup pitsangorsaavagineqarnissaanut pisortaaqatigiit ataatsimoortumik suliamik aallartitsinikuupput. Taamaalilluni aamma inuutissarsiutinut suliffissaqartitsiniarnermullu tunngasuni aqutsisut nakkutilliinerunissaat, suliniutinillu aqutsilluarnerunissaat aamma sulissutigineqarpoq.

C ” Ilaqutariinnut Inerisaavimmut kiisalu Ilaqutariinnut Kiffartuussivimmut tunngatillugu ilaqtariinnut højskolertitsinermut atatillugu akissarsiatigut tapiissutit tapiissutilu allat” pillugu kukkunersiusut oqaatigaat, Ilaqutariinnut højskolertitsisimanerni aningaaasartuutigineqarsimasut uagut naatsorsuuisorfigaagut, paasivarpullu aningaaasaliissutasunut sanilliullugu aningaaasartuutigineqarsimasut ilaatigut annikinnerusarsimasut. Taamaalilluni aningaaasaliissutit tiguneqarsimasut ilaat utertinneqaratarsinnaapput.

Ilaqtariinnermut ataatsimiititaliaq ima akissuteqarpoq, Maniitsumi Kangaamiunilu ilaqtariinnut højskolertitsinissamut atatillugu aningaasat 51.665 koruunit atunngitsuukkat IIAN-imut utertinneqassasut.

Taamatuttaaq NFBO-mut tunngatillugu aningaasat atunngitsuukkak 18.592 koruunit IIAN-imut utertinneqassasut.

Atammimmi ilaqtariinnut højskolertitsisoqarnikuuvoq. Pikkorissaasoq ulapippallaarnini pillugu 2014-ip ukiaani højskolertitsinissaminut piffissaqarsimanngilaq, ukiortaallu kinguninnguanut kinguartittariaqarsimallugu. Tamanna pillugu Atammimmi kommunip allaffia sulegatigineqartoq.

Aningaasaatitigut kontot

Kukkunersiusut oqaatigaat, qangali nalimmassarneqareersimasussaagaluartunik kontoni suli qanganisaqartoq. Kukkunersiusulli oqaatigaat, ajornartorsiut siusinnerusumut sanilliullugu

annikinnerusoq, qangarnisallu iluarsaanneqarnissaannut allaffeqarfik suli sulissuteqartariaqartoq. Kukkunersiusut oqaatigaat, aningasaatit tigoriaannaat eqqarsaatigalugit killiffimmi aningaaserivimmi kontot pillugit killiffiup aamma aningaaserivinnit takussutissat akornanni nikingassuteqartoq.

Aningaasaqarnermut ataatsimiititaliaq tulliuttutut akissuteqartariaqarpoq: Qanganitsat iluarsartuunneqarnerat suli naammassineqanngikkaluartoq iluarsaanneqalersimanerat nuannertoq. Suliassat annertuvoq, sulilu sulissutigineqarluni. Aningaasaqarnermut allatseqarfik 2016-imi qaammatikkaartumik kontot naligiissaartarlugillu qangali uninngasuutit naligiissaarniarpaat. Kommunimit aningaaserivinnut pisinnaatitsissutilit pillugit takussutissiaq misissorluarneqassaaq. Takussutissiaq aningaaserivimmut nassiunneqarumaarpoq.

Atuilluartuunissamik ingerlatsinerup naliliiffigineqarnera.

2014-imi angusanut, 2015-imilu naatsorsuutitut naatsorsuutigineqartut tunngavigalugit kukkunersiusut naliliipput.

Kukkunersiusut oqaatigaat, ingerlatsinermi aningaasartuutit ingerlatsinermi isertitanut kommuni ataavartumik aningaasalersuisinnaanissa pingaaruteqartoq. Siunissami sanaartornissamut aningaasaliisoqarsinnaaqqullugu, aningaasanik uninngasuuteqarnissaq anguniarneqartariaqarpoq.

Tamatuma saniatigut kommunimut akiitsut ukiuni kingullerni qaffakkiartuinnarput. Tamatuma kingunerisaanik aningasaatit tigoriaannarnut sunniuteqarpoq, taakkulu aamma ukiumi angusanit matussuserneqassallutik.

Allaffeqarfip naliliinera

Taamaalilluni Kommunalbestyrelsip aalajangiisimaneranut naapertuuttumik sukanganerusumik aningaasaqarnermik aqutsisoqarnissaanik, ataavartumik ataatsimiititaliat eqqummaarinnersariaqarput. Malittarisassatut aalajangiiffigineqarsimasut ataatsimiititaliat annerusumik malinnaaffigisariaqarpaat, pisariaqarfiinilu missingersuutitigut nuutsinissamik qinnuteqartarlutik.

Sanaartornissamut aningaasaliissutissat, akiitsullu qaffakkiartuinnartut matussutissaqartillugit nalinginnaasumik ingerlatsineq aningaasaatinik tigoriaannarnik naammattunik pilersitsisinnaanera qulakkeerniarlugu, aningaasaqarnerup aqunneqarnera annerusumik sammineqartariaqarnera pillugu allaffeqarfik isumaqataavoq.

Allaffeqarfip innersuussutaa

Innersuussutigineqarpoq, kukkunersiusut nalunaarutaannut akissuteqaatissatut siunnersuutigineqartut, Aningaasaqarnermut ataatsimiititaliap Kommunalbestyrelsillu akuersissutigissagaat.

Aningaasaqarnermut ataatsimiititaliap suliamik suliarinninera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

**Kommunalbestyrelsip novembarip 26-aní 2015 ileqqusumik ataatsimiünnerata 07/2015
imaqarniliornerq**

Innersuussut

Aningasaqarnermut ataatsimiitaliap communalbestyrelsimut akuersissutigeqqullugit innersuussutigivai,

- kukkanersiusut nalunaarutaannut akissuteqaatissatut siunnersuutigineqartut
akuersissutigineqassasut

Aalajangiineq

Innersuussutigineqartoq oqaaseqaatit ilanngullugit akuersissutigineqarpoq.

Ilanngussat

1. Kukkanersiusut nalunaarutaat nr. 19
2. Kukkanersiusut nalunaarutaat nr. 20

Imm. 10 2015-mi pitsaassuseq pillugu atuarfiit nalunaarusiaat

Journalnr. 51.00

Tunuliaquaq

Atuarfik pillugu Inatsisartut inatsississaattut siunnersuut nr. 15, 3. december 2012-imeersoq naapertorlugu piumasaqaatinngorpoq, pitsaassuseq pillugu ukiumoortumik nalunaarusiamik atuarfinni pisortat kommunalbestyrelsimit nassitsisalissasut. Pitsaassumik nalunaarusiorfissamik Ilinniartitaanermut Naalakkersuisoqarfiup suli saqqummiussinikuunngimmat, atuarfinni pisortanit immersorneqartussamik Qeqqata Kommunia nammineerluni immersuiffissaliornikuuvvoq.

Maleruagassatigut tunngavissat

Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

§ 49. Atuarfiup pisortaa pitsaassuseq pillugu nalunaarusiortassaaq ukumi atuarfiusumi pineqartumi 1. oktober sioqqullugu kommunalbestyrelsimit nassiuinneqartussamik.

Imm. 2. Pitsaassuseq pillugu nalunaarusiapi imarisassavai ukumi atuarfiusumi kingullermi nukarlernilu misitsinnerni angusat, angajullerni inaarutaasumik misilitsinnerni angusat, iliuusissanik pilersaarusrionerit, agguaqatigiissillugu klassini atuartut amerlassusiat, piffissaq atuartitsinermut atorneqarpoq, napparsimanerit pillugit naatsorsuinerit, piffissaq vikarinit atorneqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusiornerup malitseqartinnera.

Pissutsit atuuttut

Oktobarip aallaqqaataa tikitsinnagu atuarfiit pitsaassuseq pillugu nalunaarusiamik tunniussisussaanikuupput. Pitsaassutsit pillugu nalunaarusiat arfineq pingasut kommunimit tiguneqarput. Itillip atuarfiata pitsaassuseq pillugu nalunaarusiaq tunniussimanngilaa, tamannalu pissuteqarpoq Itillimi atuarfiup ittutaavata paasissutissat toqqammavigisassani nalunaarusiornerminilu atugassani pissarsiarisinnaasimangimmag. Ukiumut tulliuttumut atuarfiit tamarmik pitsaassutsimik nalunaarusiamik tunniussaqassapput, tamaattumik siunissami pinngitsoorani suliassat ilagisariaqarpaat, atuarfiillu ittuisa suliffimminniit soraartigatik pitsaassutsimik nalunaarusiorneq naammassiniartariaqarpaat, kiisalu pitsaassutimik nalunaarusiorneq augustip aallaqqaataartinnagu naammassineqartariaqarpoq.

Kommuni ukioq manna kommunip atuarfiinut tamanut ataatsimoortumik pitsaassutsimik nalunaarusiorpoq, tamanna atorneqarsinnaavoq atuarfeqarfimmuit aqtsinikkut sakkussatut atorneqarsinnaassalluni pingaaruteqartutigut allaffissornikkut politikkikkulu ingerlatstisut ataatsimut isiginissinnaanerannik pilersitsissammat. Pitsaassutsimik nalunaarusiaq taanna atuarfiit nammineq pitsaassutsimik nalunaarusiaat ilanngullugu kommunip nittartagaatigut saqqummiunneqarsinnaapput.

Pitsaassutsimik nalunaarusiat aallaaviussapput communalbestyrelsip atuarfinnik nakkutiginninneranik. Taamaattumik pitsaassutsinik nalunaarusiat communalbestyrelsip ukiumoortumik nakkutilliilluni pulaernerani atorneqassapput aammalu atuarfiip siulersuisusa UKFU-lu akunnerminni oqallisigininnerannik (attaveqaqatigiinnermut- nakkutilliinissamullu pilersarut naapertorlugu).

Atuilluartunerup kingunerisinnaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai
Kinguneqaatissaqanngilaq.

Allaffeqarfiup naliliinera

Pitsaassuseq pillugu nalunaarusiap illua-tungeriinnut tamanut pitsaasuunissaq pillugu siunissami naleqqussarneqassasoq. Atuarfeqarfiup inerisarnera pillugu oqallisiginninnermi ataatsimut pitsaassutsimik nalunaarusiaq atorneqartariaqarpoq.

Allaffeqarfiup innersuussutaa

Ilinniartitaanermut, Kulturimut Sunngiffimmullu ataatsimiititaliamut innersuussutigineqarpoq,

- Pitsaassuseq pillugu atuarfiit nalunaarusiaat tusaatissatut tiguneqassasut
- Pitsaassutsimik ataatsimut nalunaarusiaq inernerri oqallisigissagaa
- Immikkoortoq kommunalbestyrelsimit ingerlateqqinnejassasoq

Ilinniartitaanermut, Kulturimut Sunngiffimmullu ataatsimiititaliap suliamik suliariinninnera
Ataatsimiititaliap novembarip 9-aní ataatsimiinnermini innersuussutigineqartut akuersissutigivai.

Ataatsimiititaliaminngaannit Atuarfiit tamarmik allaffigineqassapput, naammassisimanngisatik naammasseqqullugit. Naammassisimasullu qujaffigalugit allaffigineqassallutik.

Innersuussut

Ilinniartitaanermut, Kulturimut Sunngiffimmullu ataatsimiititaliap Kommunalbestyrelsimit innersuussutigivai akuersissutigeqqullugit,

-Pitsaassuseq pillugu atuarfiit nalunaarusiaat tusaatissatut tiguneqassasut

-Pitsaassutsimik ataatsimut nalunaarusiaq inernerri oqallisigissagaa

-Immikkoortoq kommunalbestyrelsimit ingerlateqqinnejassasoq

Aalajangiineq

Innersuussutigineqartut akuersissutigineqarput.

Ilanngussat

1. Qeqqata Kommuniani atuarfeqarfinnut ataatsimut pitsaassutsimik nalunaarusiaq
2. Minngortuunnguup Atuarfianit pitsaassuseq pillugu nalunaarusiaq
3. Qinnguata Atuarfianit pitsaassuseq pillugu nalunaarusiaq
4. Kangaamiut Atuarfianit pitsaassuseq pillugu nalunaarusiaq
5. Napasoq Atuarfianit pitsaassuseq pillugu nalunaarusiaq
6. Sarfannguit atuarfianit pitsaassuseq pillugu nalunaarusiaq
7. Nalunnguarfiup atuarfianit pitsaassuseq pillugu nalunaarusiaq
8. Atuarfik Kilaaseeqqamiit pitsaassuseq pillugu nalunaarusiaq
9. Atammiup atuarfianut pitsaassutsimut nalunaarusiaq

**Imm. 11 Oqaluuserisassatut siunnersuut - Qeqqata Kommunia-ni
namminersortungorsaaneq namminersortungorsaasimanerlu.**

Journalnr. 66.15

Pissutsit atuuttut

Kommunalbestyrelsimit ilaasortaq Hans Frederik Olsen, Siumut, 2015-imi novembarip 5-iani e-mailikku imatut siunnersuuteqarpoq:

Qeqqata kommunia-ni suliffinnik namminersortungorsaaneq isumaatigut kusanarpoq aammalu tapersorsornarpoq, kisiannili namminersortungorsaaniaannarluta namminersortungorsaasinnaangilagut pitsaassutsimik malernaatisinata, aammalu kommunip ingerlatsineraniit akikinnermik ingerlatsisinnaaneri piinnarlugu namminersortungorsaasin-naangilagut, tassami massakkumut namminersortunut tunniussimasagut ulloq manna tikillugu maallataajuarput, uani isumaqarpunga kommunimi amigaatigigippit isumaqatigiissutsinik iluamik ingerlatitsisoqarneranik nakkutiliisoq kiisalu isumaqatigiissutinik malitsitsisoqanngikkaangat ilisimatinneqartarnissaq. Tassami communal bestyrelse-mi akisussaanerpaajuvugut innuttaasut pitsaanerpaamik akimullu naleqqutumik kiffartuunneqarnissaannut sulissuteqarnissamut.

Isumaqpungal ingerlalluanngitsoortoqarnerani kommunimip akisussaaffik tigoqqittariaqalersinnaanera innuttaasunut akisuninngorsinnaanera aarlerinartortaqartoq kiisalu pakkersimaartinneqarsinnaasariaqartoq.

Namminersortungorsaanerni tamani isumaqarpunga pingaaruteqarluinnatoq ilisimassallugu, kiffartuussineq namminersortunngorsarneqartassanngitsoq innuttaasunut akikinnerunissa piinnarlugu, killormuanilu pitsaassuseq ajunnginnersoq aamma nalilersuinerni aaliangiinernilu pingaaruteqarluinnarmat.

Taamaammat innersuitigissavara oqaluuserisassanngortikkusupparalu Qeqqata Kommuniani isumaqatigiissutit aallaavigalugit suliffeqarfiit ingerlatsisut nakkutiliisoqalernissaat atorfinititsinikkut imaluunniit atorfefareersumiit suliakkiinikkut tamanna pissasoq, Ilumut eqqortumik ajunngitsumillu namminersortunngorskagut ingerlappat? Siunertat ajunngitsorsuit timitaat eqqortuuppat/piviusuuppat? Ingerlanerlulertoqassagaluarpuallu ernerluta iluarsiinissamik quisuariarsinnaanermik periarfissaqarluta ingerlalissagaluarpuugut.

- Qeqqata Akademi.
- Illoqarfiup busseqarnera.
- Meeqqueriviit nerisaqartinneqartarnerat.
- Sisooraarfiit nakkutigineqarnerat.
- Eqqaavilerineq/Anartaajaalerineq.
- Assaquaqtaq Lejrskole-mi nakkutiliineq.
- Illuaqqanik nakkutiliineq.
- Inuuusuttut ornittagaat.
- Kantinaqarneq
- QIS

Innersuussut

Innersuussutigineqarpoq siunnersuut kommunalbestyrelsimi eqqartorneqassasoq

Aalajangiineq

Aningasaqarnermut ataatsimiititaliamut susassaqarfiinullu suliaq ingerlateqqinneqassaaq kingusinnerusukkut uterfigineqassalluni.

Ilanngussaq

Soqanngilaq

Imm. 12 Oqaluuserisassatut siunnersuut - Kommunimi illunik allanngutsaaliugassat

Journalnr. 51.08.07.12

Pissutsit atuuttut

Kommunalbestyrelsimit ilaasortaq Malene Ingemann, Partii Naleraq, 2015-imi novembarip 5-ian e-mailikkut imatut siunnersuuteqarpoq:

Kommunimi illunik allanngutsaaliugassanik peqartilluta, allanngutsaaliukkanik peqarniaannarluta illunik allanngutsaaliuinnginnissaq pingaaruteqarpoq. Sisimiuni pisuni ataasiakkaani illumik piginnittut, illuutimi allanngutsaaliugaaneranik isumaqataanngillat, taamaattoqartillugulu illup aserfallatsaaliinissa unitsiinnarneqartarluni, tamatuma kingunerisarpaa illu ima aserfallatsigilersarluni naggataatigut annaanneqarsinnaanani. Taamaattumik illunik ataasiakkaanik allanngutsaaliugaanerisa kinguneranik nakkaatiinnartunik takusinnaasarluta, - tassa piginnittut illumik allanngutsaaliukkamik pituttorsimanermik misiginnginnerinut sanilliullugu.

Tamanna tunngavigalugu illumik allanngutsaaliugaalersitsinermi piginnittumik paaseqatigiilluni ingerlanneqartarnissaata qulakteerneqarnissa siunnersuutigerusuppar, taamaalilluni piffissap aalajangersimasup ingerlareernerani piginnittup illuutimi allanngutsaaliugaaneranik suliarititseqqiisinnaassasoq. Illup oqaluttuarisaanermut pingaaruteqarluinnarnerani, allanngutsaaliugaanerata attatiinnarnissa aalajangiunneqarpat (illu ima eriagigassaatigippat taamatullu oqaluttuarisaanermut pingaaruteqarluinnarluni), - taamatut pisoqartillugu piginnittup illumi allanngutsaaliugaanissaanik kissaateqanngippat, taava illu kommunimit pisiarineqarsinnaassalluni. Ukiut sisamakkaarlugit (Kommunalbestyrelsimi qinigaaffiup ataatsit ingerlanerani ataasiarluni) aalajangersimasumik oqaluuserisassatut ingerlanneqarsinnaavoq, - illuni allanngutsaaliukkanik piginnittut suliamik oqaluuserititseqqiinissamik (allanngutsaaliuinerup misissoqqinneqarnissaanik kissaateqarnermi) periarfissaqassallutik. Illup pisiarinissaanut kommuni soqtiginninngippat, taava tunngavilersuutit aallaavigalugit Kommuni piginnittumik isumaqatigiinninniarsinnaavoq, tassa allanngutsaaliugaanerup annikillisinneqarneratigut imaluunniit allanngutsaaliugaanerup atorunnaarsinneqarneratigut.

Illunik allanngutsaaliuinerup siunertaa tassaavoq, illut oqaluttuarisaanermut pingaaruteqartut eriagisassaasullu, - taamaattumik illuatungeriinnit illuutit aserfallatsaaliineqarnissaat aamma pingaaruteqarpoq, taamaalillutik illut pigiinnarnissaat siunissami aamma ingerlaannarsinnaallutik.

Tamanna tunngavigalugu ukiut sisamakkaarlugit (ataatsimiinnissap tullisaanit aallartinneqarsinnaalluni) illut allanngutsaaliukkat oqaluuserineqartarnissaannut kommunalbestyrelsimit taperserneqarnissara neriuutigaara, taamaalilluta illut allanngutsaaliugaanermigut iluaqtigineqanngitsut oqaluuserineqaqqissinnaallutik, oqaluuserineqarnerinilu illuatungeriinnit iluaqutaasumik aaqqiisummik nassaarniartoqarsinnaassalluni, - allanngutsaaliuinermk aaqqiissuteqarnerup saniatigut, illut ataqqeqtiginnikkut isumaqatigiinnikkullu pigiinnarsinnaaneri angusinnaallugu, taamatullu illunik ataasiakkaanik siunissaq eqqarsaatigalugu ataannartinneqarsinnaalissallutik, ullumikkut ingerlanatik, illut ataasiakkaat allanngutsaaliugaanerisigut sukknerusumik nakkaakkartulersarlutik, tassani maleruagassat allanngortikkuminaattutigut pinngitsaalisaasumik allanngutsaaliugaaneri patsisaallutik.

***Kommunalbestyrelsip novembarip 26-ani 2015 ileqqusumik ataatsimiünnerata 07/2015
imaqarniliornerq***

Malugiuk siunnersuut siulianiittutut isikkoqarnissaa soqutiginngilara, siunnersuutaannartulli isigineqassaaq, - siunnersuut ataatsimoorluta ilusilersorsinnaavarput, taamaalillutalu ajornartorsiutaasumut pitsaanerpaamik aaqqiissutissamik nassaarsinnaassalluta.

Innersuussut

Innersuussutigineqarpoq communalbestyrelsimi oqaluusereriarlugu siunnersuut Teknikkimut Avatangiisinullu ataatsimiititaliamut ingerlateqqinnejassasoq

Aalajangiineq

Innersuussutigineqartoq akuersissutigineqarpoq.

Ilanngussaq

Soqanngilaq

Imm. 13 Oqaluuserisassatut siunnersuut – Sisimiut Kangerlussuullu akornanni illuaqqat

Journalnr.

Pissutsit atuuttut

Kommunalbestyrelsimit ilaasortaq Marius Olsen, Siumut , 2015-imi novembarip 5-iani e-mailikkut imatut siunnersuuteqarpoq:

Nalunngisatitut ukiuni kingullerni Sisimiuniit Kangerlussuarmut taamatullu utimut pisunneq annertusigaluttuinnartumik atugaalernikuovoq.

Taamatullu aqquaani illuaqqanik arlalinnik peqartoq nalunngilarput.

Takkulu isumaqarpunga eqqartortariaqalerigut pissutigalugu tusaamanarsinikumat siulliullutik ersetut allanik iseqqusisarsimannngitsut.

Oqalutunneqarpungalu aasaq ilulissaniik pisutut tyskinit siulliullutik esertunit eseqquneqanngilluinnarsimasut tamannalu tunngavigalugu kalaallit tyskillu aasaq manna isaasalerlugu sorsuutingatiarsimapput.

Naggataatigullu kalaallit ajugaasimasut tusarpakka.

Mannalu siunnersuutigiumavara tamakku illuaqqat angalusunut tamanut ammatinneqartariaqartut.

Allannginermminnilu Sisimiuni Kangerlussuarmilu Kommunip allaffianut nalunaartassasut illuaqqanik atiumallutik akuersisumillu pissarsisassasut takutissinnaasaminnik angalasunut allanut tannalu angalaqtiginnut 200 kr-nimik akeqassasoq takkulu akiliutit illuaqqat aserfallatsaaliornerannut atorneqassasut.

Innersuussut

Innersuussutigineqarpoq kommunalbestyrelsimi oqaluuserieriarlugu siunnersuut Teknikkimut Avatangiisinullu ataatsimiititaliamut ingerlateqqinnejassasoq

Aalajangiineq

Innersuussutigineqartoq akuersissutigineqarpoq.

Ilanngussaq

Soqanngilaq

**Imm. 14 Oqaluuserisassatut siunnersuut - Nunaqarfittattinniit tunisassiornermi
killilersuisarneq**

Journalnr.

Pissutsit atuuttut

Kommunalbestyrelsímut ilaasortat Marius Olsen, Aqqalu Skifte, Jakob Olsen, Siumut , 2015-imi novembarip 4-ianí e-mailikkut imatut siunnersuuteqarpoq:

Nalunngisattitut ukioq 2014-mi februarimi Maniitsumi pisuusutit uumassusillit isumasioqatigippugut.

Taamanikkulli eqqartulerparput Qeqqata Kommuniata nunaqarfittaani tamani sinerissamittuni ajornartorsiutit assigissut.

Tassalu nunaqarfittattinniit tunisassiornermi killilersuisarneq, ullut 14-nikkarlugit nunaqarfinniit assartuisarneq, tunisassiornerup annertunerulersinnannginera inallagissiorfiit pisinnaasaanuk killeqaqisumik alliliisinnaanerup killilerneqartarnera.

Tamakku tamarmik kingunerisarpaat nunaqarfimmiaut illoqarfinnut nuttilersarnerat uffa nunaqarfittik nioqqtissiassalissuaq.

Nalunngilluinnarparput nunaqarfifiit inuutissarsiutaasa annersarigaat aalisarneq taamattumik tupinnanngitsumik nunaqaefimmiumit ukiut tamaasa suartaatigineqartarput ajornartorsiutit qulaani takkartukkagut.

Tamakku ajornartorsiutit qasseriarlutimmitaava pisortanut anngunneqartalaruarpat mannamullu kinguneqanngitsumik.

Tamanna pingasulluta Aqqalu. Jaaku, Mariusilu oqaloqatigissutigisareerlugu matumuuna kommunimut oqaluuserisassanngortipparput piginnittut qulaanilu taasagut pisortaqarfifiit qullersai tikillugit saqqummiivigisariqarigut piareersarluariarlluta ukiortallu allartilaarnerani ornillugit tikillugit saqqummiivigisariaqarigt.

Qulaanimi takkartukkagut tassapput Qeqqata Kommuniata aningaasaqarneranut annertuumiik pingaaruteqartut.

Innersuussut

Innersuussutigineqarpoq siunnersuut kommunalbestyrelsími oqaluuserineqassasoq.

Aalajangiineq

Suliassaq PUPA-mut ingerlateqqinneqassaaq tassanngaaniillu suliniutit ingerlateqqinneqarlutik.

Ilanngussaq

Soqanngilaq

Imm. 15 Oqaluuserisassatut siunnersuut – Sisimiuni umiatsiavileqarneq

Journalnr.

Pissutsit atuuttut

Kommunalbestyrelsimit ilaasortaq Marius Olsen, Siumut , 2015-imí novembarip 4-ianí e-mailikkut imatut siunnersuuteqarpoq:

Ukiuni tulleriaani kommunalbestyrelsimi oqaluuseriuvagapput sisimiuni umiatsialiveqarneq isumaqarama nammassisariaqalersoq.

Nalunngisatitut ukiut 30-vit angullugit aalisariutinut imiatsiaqqanut puttasut annertunerusumik iluarsartussisimanngilagut naak eqqartoetuartaraluarlugu siunnersorterpullu assiginngitsunik siunnersuusiortaraluartoq.

Isumaqpunga tassa piffisanngortoq asuli oqaluuserinnarnagu qanoq iliuuserqatariaqalersugut pissutigalugu ukiuni makkunanceriaq maani Sisimiuni angallatit anginerumaat ukioq mannannaq arlalinnik ilanikuupput natsorsuutigalugulu ukiuni aggersuni suli amerliartorumaaartut taamatullu umiatsiaqqat anginerusunut naleqqussartoqarsimavoq arlalissuarnillu anginerusunik umiatsiaarartaatalersimapput.

Taamattumik kissatigaara pimoorullugu oqaluusereriarlugu nammasisaqarfiusumik iluarsissutannanngitsumik siunissaq ungasinnerusoq isigalugu susassaqartut ilagalugit peqatigalugit aqqiiniartariaqarparput.

Innersuussut

Innersuussutigineqarpoq kommunalbestyrelseimi oqaluusereriarlugu siunnersuut Teknikkimut Avatangiisinullu ataatsimiititaliamut ingerlateqqinnejassasoq

Aalajangiineq

Innersuussutigineqartoq oqaaserineqartut ilanngullugit akuersissutigineqarpoq.

Ilanngussaq

Soqanngilaq

Imm. 16 Aningasaqarnermut ataatsimiititaliap communalbestyrelsillu 2016-imi ataatsimiffissaannut siunnersuutit

Journalnr. 01.01.01

Tunuliaquaq

Aningasaqarnermut ataatsimiititaliap communalbestyrelsillu 2016-imi ataatsimiffissaannut siunnersuutit.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikkut/videokonferenciluunniit atorlugu ingerlanneqartassallutik.

Aningasaqarnermut ataatsimiititaliaq	Kommunalbestyrelsi
16. februar	25. februar
15. marts	
19. april	28. april – 2015-imut naatsorsuutit akuerineri.
17. maj	26. maj - Maniitsoq
14. juni	
16. august	25. august - Sisimiut
20. september – 2017-imut missingersuutit siullermeerner	29. september - 2017-imut missingersuutit siullermeerner
18. oktober – 2017-imut missingersuutit aappassaanneerner	27. oktober - 2017-imut missingersuutit aappassaanneerner
15. november	24. november
13. december	
	Pisussat allat
	22.-24. august – 2017-imut missingersuutit pillugit isumasioqatigiinneq. Sisimiuni

Qullersaqarfíup innersuussutaa

Ataatsimiiffisat siuliani taaneqartut, Aningasaqarnermut ataatsimiititaliamit Kommunalbestyrelsimillu akuerineqassasut qullersaqarfíup innersuussutigaa.

Aningasaqarnermut ataatsimiititaliap suliamik suliarinninna

Ataatsimiititaliap novembaripå 17-ian 2015 ataatsimiinnermini innersuussut akuersissutigivaa.

Innersuussut

Aningasaqarnermut ataatsimiititaliap Kommunalbestyrelsímut innersuussutigivaa akuersissutigeqqullugu,

- Aningasaqarnermut ataatsimiititaliap communalbestyrelsillu 2016-imi ataatsimiffissaannut siunnersuutit

Aalajangiineq

Innersuussutigineqartoq akuersissutigineqarpoq.

Ilanngussaq

1. 2016-imut ullorsiutit

Imm. 17 Kangaamiuni qatserisartunit saaffiginnissut

Journal nr. 85.04.07

Tunuliaquataq

Kangaamiuni qatserisartut 2015-imi oktoberip 23-ani ataatsimut allagaqarlutik sulinerminnik tunuarniarlutik pilersaaruteqarput.

Maleruagassatigut tunngavissaq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaliuinermi iliuusissat pillugit Inatsisartut inatsisaata allannguuteqartinneqarnissaanik Inatsisartut inatsissaannut nr. 14, 3. december 2012-imeersoq. (Sorsuttoqarnerani sorsuttoqarnissaanullu aarlerinartoqarnerani pilersaarusiornissamut aalajangiisinnaatitaaffiup tiguneqarnissaa)

Nalinginnaasumik ikiukkiartorasuartarneq kiisalu qatserisartut amerlassusissaat pillugu Kalaallit Nunaanni Kaajallaasitaq nr. 1, 1. april 1994-imeersoq

Teknikkimut Avatangiisinullu ataatsimiitaliaq Qeqqata Kommuniani upalungaarsimaniermut akisussaasuuvoq.

Pissutsit atuuttut

Qatserisartut 2015-imi oktoberip 23-ani ataatsimut allakkaminni pissutsit sisamat pillugit naammaginninngillat:

1. Kangaamiuni upalungaarsimanermut atortut (qatserisartut biilii)
2. Pujorsiortartut ilinniartitaanerat amigartoq
3. Pumpinik nakkutilliisut qatserisartullu biiliisa aqtuttua ilinniartitaanerat amigartoq
4. Qeqqata Kommuniani / Nunatsinni ataatsimut isumannaallisaanermut ilinniarneq

Immikkoortoq 1-mut tunngatillugu, upalungaarsimanermut kommissioni 2015-imi maajip 12-ianı ataatsimiinnermini aalajangerpoq, sulisoqarnermut atortunullu eqqarsaatigalugit nunatsinni nunaqarfinni pitsaassutsit assigiinngitsunut Kalaallit Nunaata upalungaarsimanermut ataatsimiitaliaata oqaaseqaataanik pissarsiniarniarluni. Nunap sinneranut sanilliullugu Kommuneqarfik Sermersuup nunaqarfifii pitsaassuseq pitsaanerorpasippoq. Upalungaarsimanermut pisortaq upalungaarsimanermut ataatsimiitaliaap akissutissa nukingisaarutiginikuua.

Immikkoortoq 2-mut tunngatillugu, Kangaamiunut sulisoqarnermut takussutissiap takutippaa, pujorsiortartut ikippallaartut. Sulisut amerlassusilerneqartarnerannut Kaajallaasitaq naapertorlugu pujorsiortarnermut ilinniarsimasunik qulinik peqartussaagaluarpoq ullumikkullu Kangaamiuni pujorsiortartutut ilinniarsimasut 0-iupput. Taakku saniatigut sisamat Grunduddannelse Indsats amigaatigaat. Naggataagullu aamma formandi aammalu upalungaarsimanermut mesterit marluk holdlederitut ilinniartinneqarnissaat amigaataavoq. Den Grønlandske Brandskole aqutigalugu 2016-imi pujorsiortarnermut aammalu holdlederitut pikkorissaanissaq naatsorsuutigineqarpoq, tamatumani Den Grønlandske Brandskole-p inissaqartitsineratigut, Kangaamiut peqataasunik arlalinnik peqataatitaqartariaqarluarpoq.

Immikkoortoq 3-mut tunngatillugu, Kangaamiunut sulisunut takussutissiap takutippaa, biilinut angisuunut biilernermut allagartalinnik biilertut ikippallaartut (1) kiisalu pumpinik nakkutilliisut

sisamat ilinniarsimasuuunngitsut. Maniitsumi biilernermut ilinniartitsinissamik kiisalu akunnerni 24-ni pumpinik nakkutilliinermut pikkorissaanissamik, aamma Maniitsumi 2016-imi ingerlanneqartussamik pilersaaruteqartoqarpoq.

Immikkoortoq 4-mut tunngatillugu, Qeqqata Kommuniani / Kalaallit Nunaanni isumannaallisaanermut ilinniartitsinermik ajornartorsiortoqarsorinanngilaq, kisianni atortussat pillugit sulisussallu amerlassusiligaasarnerannut kaajallaasitap 1994-imeersup nutarterneqarnissaanut pisariaqartitsisoqartoq.

Atuilluartuunissakkut kingunerisinnaasai
Soqanngilaq.

Aningaasaqarnikkut allaffissornikkullu kingunerisinnaasai
Kangaamiuni qatserisartunut qatserutinik **biilnik** nutaanik pisinissaq aningaasartuutaavoq annertooq, Mercedes Sprinter qatserutitut sanaaq pisiarissagaanni 1 mio. koruunit sinnerlugin akeqassaaq.

Allaffeqarfiup naliliinera
Allaffeqarfiup nalilerpaa, nunatsinni upalungaarsimanermut ataatsimiititaliap nunaqarfinni upalungaarsimanermut sulisorisat, - qatserutit aamma ilinniarsimassusermut qaffasissuseq nalunaarutigisariaqaraluaraa. Allaffeqarfiup nalilerpaa, Den Grønlandske Brandskole aqqutigalugu upalungaarsimanermut immikkoortumi nalinginnaasunik pikkorissarernut Kangaamiut amerlanerusunik peqataatitsisariaqaraluartoq.

Allaffeqarfiup innersuussutaa
Allaffeqarfiup Teknikkimut avatangiisinullu ataatsimiititaliamut innersuussutigivaa akuersisutigeqqullugu,

-paasissutissiissut tusaatissatut tiguneqassasoq

Teknikkimut Avatangiisinullu ataatsimiititaliap suliamik suliarinninberra
Teknikkimut Avatangiisinullu ataatsimiititaliap novembarip 10-ani 2015 ataatsimiinnermini innersuussut akuersissutigivaa.

Teknikkimut Avatangiisinullu ataatsimiititaliap innersuussutaa
Teknikkimut avatangiisinullu ataatsimiititaliap Aningaasaqarnermut ataatsimiititaliamut innersuussutigivaa akuersissutigeqqullugu,

-paasissutissiissut tusaatissatut tiguneqassasoq

Aningaasaqarnermut ataatsimiititaliap suliamik suliarinninberra
Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut
Aningaasaqarnermut ataatsimiititaliap communalbestyrelsimit innersuussutigivaa akuersissutigeqqullugu,

**Kommunalbestyrelsip novembarip 26-ani 2015 ileqqusumik ataatsimiünnerata 07/2015
imaqarniliornerq**

-paasissutissiissut tusaatissatut tiguneqassasoq

Aalajangiineq

Tunuartinneqarpoq.

Ilanngussat

1. Upalungaarsimanermut kommissionip 2015-imi marsip 12-iani ataatsimiinneranit immikkoortup 5-ip imaqarniliorneqarnera.
2. Kangaamiuni qatserisartut allagaqaataat 2015-imi oktobarip 23-aneersoq

**Imm. 18 Ilaqtariinnermut immikkoortortaqaarfik pillugu 2016-imut missingersuummut
ilanngussaq pillugu paasissutissiissut**

Journal nr. 06.01.01

Tunuliaqutaq

2015-imi oktoberip 29-ani kommunalbestyrelsip ataatsimiinnerani 2016-imut missingersuutit kiisalu ukiut missiliuteqarfiit pillugit aappassaaneerneqarnerini, Ilaqtariinnermut immikkoortortami konto 41 kiisalu konto 48 pillugit, meeqqat inuuusuttullu angerlarsimaffiup avataanut inissitat kiisalu innarluutillit pillugit nalunaarsuiffissamut immersuiffimmik sanasoqalerneranik paasissutissiisoqarpoq, nalunaarsuiffik angerlarsimaffiup avataanut inissinneqarsimasut amerlassusaannik kiisalu aningaasaqarnermik takussutissiisussaavoq.

Ilanngussat meeqqat angerlarsimaffiup avataanut inissinneqarsimasut cpr. Normui, aqqi kiisalu angajoqqaarsiat aqqi allattorsimaffimmi allassimaneri patsisaallutik, ataatsimiinnermut matoqqasumiitinneqarput. Tamatuma saniatigut Kalaallit Nuaanni kiisalu Danmarkimi innarluutillit inissinneqartut allattorsimaffiat ilaavoq.

Pissutsit atuuttut

Aningaasaqarnermut immikkoortortaq immikkoortortat suleqatigalugit, konto 41 kiisalu konto 48-ip iluuni aningaasaqarnerup kiisalu aaqqiissutit assigiinngitsut malinnaaffigilluarneqarnissaannik sakkussanik sanasoqarpoq.

Ilanngussaq regnarki ima imaqarpoq

- 1) Fane 1 konto 41 kiisalu konto 48-mi ilaqtariinnermut immikkoortortap aningaasaqarnera, Sisimiuni Maniitsumilu fane 2-mit fane 5-i tikillugu ineriarorneranut atatillugu.
- 2) Fane 2-mit fane 5 tikillugu konto 41 konto 48-lu aaqqiissutit ingerlanerinut aqutsissutit sakkussaavoq. Fane-ni taakkunani Sisimiut Maniitsullu akornanni assigiissaarioqarpoq.

Fane 2-mit fane 5 tikillugu sipaarniarneq kiisalu Sisimiut Maniitsullu akornanni nukissanik atuinikinnerunissaq eqqarsaatigalugu, assigiinngitsutigut aaqqiissuteqarnernut atatillugu angerlarsimaffiup avataanut inissiinissamut suleqatigiinnermi toqqammavissatut atorneqarsinnaavoq.

Allaffeqarfiup innersuussutaa

Ilaqtariinnermut ataatsimiititaliamut innersuussutigineqarpoq:

1. immersugassat tusaatissatut tiguneqassasut
2. Aningaasaqarnermut ataatsimiititaliamut kiisalu Kommunalbestyrelsimit immersuiffiit paasissutissiissutit nassiunneqassasut

Ilaqtariinnermut ataatsimiititaliap suliamik suliaqarnera

Ilaqtariinnermut ataatsimiititaliap ileqqusumik ulloq 12. november 2015-imi ataatsimiinnermi innersuussut akuersissutigaa, allaffeqarfillu iliuusissatut pilersaaruteqanngitsut pillugit qanoq pilersaarusrornerluni ataatsimiinnermut tullermut saqqummiussissasoq piumaffigalugu.

Ilaqtariinnermut ataatsimiititaliap innersuussutaa
Ilaqtariinnermut ataatsimiititaliap Aningasaqarnermut ataatsimiititaliamut
innersuussutigineqarpooq,
-takussutissiat tusaatissatut tiguneqassasut.

Aningasaqarnermut ataatsimiititaliap suliamik suliariinninera
Ataatsimiititaliap novembarip 17-ianí ataatsimiinnermini innersuussut akuersissutigivaa.

Innersuussut

Aningasaqarnermut ataatsimiititaliap communalbestyrelsimit innersuussutigivaa
akuersissutigeqqullugu,

-takussutissiat tusaatissatut tiguneqassasut.

Aalajangiineq

Paassisutissiissut tusaatissatut tiguneqarpoq.

Ilanngussaq

1. Qeqqata Kommuniani meeqqat inuuksutullu kiisalu innarluutillit angerlarsimaffiup avataanut
inissinneqartut takussutissiat pillugit excelarki.

Imm. 19 Atuartut akornanni aanngajaarniutinik atuinermik misissuisimaneq pillugu paasissutissiissut

Journalnr. 51.04.03

Tunuliaqutaq

Meeqcat atuarfianut atuartut akornanni hashimik atornerluineq pillugu misissuisoqarnissamik siunnersuummik, Kommunalbestyrelsimi ilaasortaq Agathe Fontain 2014-imí januaarip 12-ianí mailikkut nassiusivoq.

2014-imí februaarip 27-aní siunnersuut Kommunalbestyrelsimit oqaluuserineqarpoq, siunnersuullu Ilanniartitaanermut, Kulturimut Sunngiffimmullu ataatsimiititaliamut ingerlateeqinnejarluni.

Tamatuma kingorna Ilaqtariinnermut ataatsimiititaliamit kiisalu Ilanniartitaanermut, Kulturimut Sunngiffimmullu ataatsimiititaliamit siunnersuut oqaluuserineqarpoq.

2014-imí marsip 12-ianí pitsaliuinermi siunnersortit suliamut, atuartut ikiaroornartumik imigassamillu atuinerat pillugu misissuinermut peqataatinneqarnissaat, Ilaqtariinnermut ataatsimiititaliamit aalajangerneqarpoq.

2014-imí marsip 24-aní Ilanniartitaanermut, Kulturimut Sunngiffimmullu ataatsimiititaliamit siunnersuut eqqartorneqareerluni, atuartut akornanni ikiaroornartumik imigassamillu atuineq pillugu misissuisoqassasoq, taamatullu Qeqqata Kommuniani atuartut akornanni misissuineq kiisalu paasissutissiiniarneq piaartumik ingerlanneqassasoq aalajangerneqarpoq.
Ilaqtariinnermut ataatsimiititaliap, Ilanniartitaanermut, kulturimut Sunngiffimmullu ataatsimiititaliap, immikkoortortami pisortap kiisalu atuarfinni pisortat ataatsimiinnissamut aggersarneqarnissaat aamma siunnersuutigineqarpoq.

Maleruagassatigut tunngavissat

Qeqqata Kommuniani Meeqqanut inuusuttunullu politikki. (Ilanngussaq 1)

Pissutsit atuuttut

Atorfilitat akornanni sulinngiffeqarneq kiisalu illoqarfinni nunaqarfinnilu internetsimut attaveqarniarnerup ajornartorsiutigineqarnera patsisaallutik, piffissami sivisuumi misissuineq ingerlanniarneqarsimavoq, tamatuma kingunerisaanik 2015-ip ukiaanerani apeqqutinik internetsikkut akineqartussanik nassiusuisoqaqqittariaqarluni.

Suliniut atorfilittanit ingerlanneqarpoq, aqutsisoqatigiinnilu pitsaliuinermi siunnersortinik atuarfinnilu aqutsisunit inuttaqarinneqarlni.

Akisussaaffit agguataarneri:

- Atuarfinni aqutsisut ilinniartitsisunik atuarfiullu siulersuisuinik peqataatitsippuit.
- Pitsaliuinermi siunnersortit/atuarfinni siunnersortit apeqqusiorput.
- Apeqqutit atuarfinnut nassiusorneqarnissaat atorfilitat isumagaat.

Apeqqutit atuartunit iPads-imikkut akisinaanngorlugit elektroniskiusumik nassiusuunneqarput.

Misissuineq tullinnguuttutigut imaqartinneqarpoq:

- 1 klassimiit 10 klassimut pujortartarneq
- 4 klassimiit 10 klassimut imigassamik atuineq
- 4 klassimiit 10 klassimut ikiaroornartumik atornerluineq
- 1 klassimiit 10 klassimut naamaarneq

Inernerí:

Meeqhat atuarfianni atuartut 1358-iniit, akissutit utertinnejartut 483-iupput. Misissuinermi apeqqutit elektroniskimik taamaallaat akineqarsinnaapput, ilaatigut atuartut iPads-iminnit. Nukarlernit 157-it akissuteqarput, akullerniit angajullerniillu 326-t akissuteqarlutik.

Nukarliit:

Nukarlerni atuartut 10 procentingajai pujortarnermik misileereersimapput, 70 procentii sinnerlugit angerlarsimaffimminni pujortartoqartarneranik akissuteqarput. Naamaarsimanermut apeqquteqaammut, 8,3 procentii naamaarnerup suuneranik ilisimasaqarnerminnik angerput, 4 procentiilu misiliisimanermink akissuteqarlutik.

Akulliit angajulliillu:

Akullerni angajullernilu atuartut affai sinnerlugit pujortarnermik misileereerput, 40 procentillu sinnerlugit imigassartarnermik misileereersimallutik. Taakkunani amerlanersaat 11-15 missaanik ukioqarlutik putumallutik misilereerpaat. Angerlarsimaffimmi imigassap ajornartorsiutaaneranut 40 procentit sinnerlugit akissuteqarput. Atuartut angajullerni 10 procentii ataallugit ikiaroornartumik misiliisimapput, 10 procentillu ataatalaarlugit angerlarsimaffimminni ikiaroornartutorqartarneranik akissuteqarlutik. Atuartut angajullerni 2 procentii ataallugit naamaarnermik misiliisimapput.

Pujortartarneq, imigassartartarneq naamaartarnerlu atuartunit nalinginnaasumik ajortuunerannik ulorianarneranillu isumaqarput. Aanngajaarniutit assigiinngitsut atuartunit misiligarneqarsimaneri kiisalu angerlarsimaffimmi qanoq atorneqartiginerinik akissuteqaatit takussutissiippit. Akulliit angajulliillu akissuteqaataat immikkoortinneqarsinnaasuugaluarunik pitsaanerussagaluarpoq. Imigassap, naamaartaarnerup kiisalu ikiaroornartup angerlarsimaffimmi ajornartorsiutaaneranut kiisalu namminerminkut apeqqutit paatsoorneqarsinnaammata ersarissarnerusinnaagaluarput, taamaattumillu atuartut angerlarsimaffimminni assersuutigalugu ikiaroornartumik atuisoqarnerannik kiisalu angerlarsimaffimmi ajornartorsiutaaneranik akissuteqarnerinut naapertuttoqanngilaq. Tamatuma saniatigut naamaartarneq nukarlernit ilisimaneqanngitsoq malunnarpoq, taamaattumillu taanna akissuteqarfiginissaat ingasagineqarsinnaagunarlni.

Atuilluartuunissakkut kingunerisinnaasai

Qeqqata Kommuniani Ilaqutariinnermut immikkoortortaqarfimmi atuilluartuunissamik suliniutaanut, aanngajaarniutinik atuineq pillugu misissuineq paasitsitsiniaanerlu naapertuulluinnarpoq. Suliap ingerlateqqinnejarnissaanik politikerit aalajangissappata, aqutsisoqatigiit neriuutigaat, suliniut naggataatigut inuiaqtagiinnik atuilluartunik inerneqarumaartoq, taamaalilluni meeqhat inuusuttullu ilinniaqqinnissaminnut imminnullu pilersorsinnaalernissaannut atugassarititaasut pitsaanerpaalissasut, taamatullu timimikkut tarnimikkullu peqqissuussasut.

Aningaasaqarnikkut allaffissornikkullu kingunerisinnaasai

Atuartut internetsikkut akissuteqarnerat kiisalu Attat-mi internetsip attavilunnera patsisaalluni allaffeqarfiup apeqqutinik nassisseqqinnissamik pisariaqartitsisimanera eqqaassanngikkaanni,

misissuineq annertunerusumik aningasaqarnikkut allaffissornikkullu kinguneqartitsinngilaq.

Allaffeqarfiup naliliinera

Misissuinerit takutippaat atuartut annersaat, pingartumik akullerni angajullernilu atuartut pujortarnermik misileereersimasut. Taamatullu atuartut arlaqartut aqqanillit sinnerlugit ukioqalereerlutik imigassamik misileereersimaneri misissuinerup takutillugu, atuartulli ikittuinnaat naamaarnermik misiliisimallutik.

Atuartut angerlarsimaffimminni illoqarfimminnilu/nunaqarfimminnilu pujortarnermik, imigassamik ikiaroorntumillu ajornartorsiuteqarneq arlalinnit misigisaqarput. Tamakku pillugit Qeqqata Kommuniani pitsaaliuinermik siunnersortit suleqatigalugit, anguniagassartalinnik pinaveersaartsinermik suliniutinik suliaqartoqartariaqarpoq.

Innersuussut

Allaffeqarfiup kommunalbestyrelsimit innersuussutigivai akuersissutigeqqullugit,

-Paasissutissiissut Kommunalbestyrelsimit tusaatissatut tiguneqassasoq, suliallu ingerlateqqinnejarnissaanut siunnersuuteqassasoq

-Atuarfinni misissuinerup ingerlateqqinnejarnissaanut, Kommunalbestyrelsip Ilaqtariinnermut ataatsimiititaliamut ingerlateqqinnejassasoq

Aalajangiineq

Paasissutissiissut tusaatissatut tiguneqarpoq.

Ilanngussat

1. Qeqqata Kommuniani Meeqjanut inuuusuttunullu politikki.
2. Misissuinerup inerner - nukarliit.
3. Misissuinerup inerner - akulliit angajulliillu.

Imm. 20 Ataatsimoorussamik Itilleq/Sarfanguit nunaqarfínni aqutsisuniit Peter Karlsen-ip tunuarniuteqarnera pillugu paassisutissiissut

Journalnr.01.01.03

Tunuliaqutaq

Ataatsimoorussamik Itillimi/Sarfanguanilu nunaqarfínni aqutsisuniit Peter Karlsen septembarip naanerani tunuarniarluni allakkatigut qinnuteqarpoq.

Tunuarniarluni qinnuteqarnermut peqqutigineqarpoq Peter Karlsen-ip ilaqtanilu Itilleq qimallugu Sisimiunut nuuttussangornerik taamaalillunilu qinersivimmi qinigaaffigisani qimattussangorlugu.

Maleruagassatigut tunngavissat

Kommunalbestyrelsinut, nunaqarfínni aqutsisunut ilagiillu sinnisaannut qinersisarnerit pillugit Inatsisartut inatsisaat nr. 7, 3. december 2012-imeersoq,

§ 54. Ilaasortaq qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.

Imm. 4. Ilaasortaq qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimannngikkaa, taamaalillunilu kommunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut.

Aqutsisuni ilaasortanut inatsit aamma atuuppoq.

Pissutsit atuuttut

Ataatsimoorussamik nunaqarfínni aqutsisuniit tunuarniarnera peqquteqarpoq Itilleq qimallugu Sisimiunut nuuttussangornerannik.

Sinniisussat allattorsimaffiat malillugu Siumumi sinniisussaq siulleq tassaavoq Karen Sakæussen, Itilleq, Peter Karlsen-illu tunuarneratigut Karen Sakæussen oktoberip aallaqqaataani ataatsimoorussamik Itillimi/Sarfanguanilu nunaqarfínni aqutsisuni ilaasortanngussaaq.

Qullersaqarfiup innersuussuttaa

Qullersaqarfiup borgmesterimut innersuussutigissavaa tulliuttut akuereqqullugit

- 1) Peter Karlsen ataatsimoorussamik Itillimi/Sarfanguanilu nunaqarfínni aqutsisuniit septembarip naanerani 2015-imi tunuarniutaa akuerineqassasoq, qinigaaffillu 2013 – 2017 naanginnerani Itillimut uteqqissagaluaruni ilaasortanngooqqinnissani qinnutigisinnaavaa.
- 2) Karen Sakæussen ataatsimoorussamik Itillimi/Sarfanguanilu nunaqarfínni aqutsisuni oktoberip aallaqqaataani ilaasortanngussasoq.

Borgmesterip suliamik suliaqarnera

Kommunalbestyrelsi sinnerlugu septembarip 23-ianí 2015-imi borgmesterip innersuussutigineqartut akuersissutigivai.

Aalajangiineq pillugu communalbestyrelsi tullissaanik ataatsimiileruni ilisimatinneqassaaq,

**Kommunalbestyrelsip novembarip 26-ani 2015 ileqqusumik ataatsimiünnerata 07/2015
imaqarniliornerq**

Innersuussut

Suliaq kommunalbestyrelsimit paasissutissatut saqqumiunneqarpoq.

Aalajangiineq

Paassisutissiissut tusaatissatut tiguneqarpoq.

Ilanngussat

1. Peter Karlsen-ip aggustip 20-ani 2015-imi tunuarniuteqarluni allagaa.
2. Ataatsimoorussamik Itillimi/Sarfanguanilu nunaqarfinni aqutsisuni sinniisussat allattorsimaffiat

**Imm. 21 Borgmesterip aalajangiinera - Tikaagullinnut qamutilissorluni pisassiissutiniit
ataatsimoorussamik piniaqatigiilluni pisassiissutinut nuussinissaq pillugu
tusarniaaneq.**

Journalnr. 72.01.03.01

Tunuliaquataq

Tusarniaaneq 23. oktober 2015 tiguvarput tusarniaaffigisassagullu ullumikkut akissuteqarput. Tusarniaaneq KANUKOKA-mit ullumikkut 26. oktober 2015 nal. 12.00-mut killilerneqarnikuovoq.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersoq

Pissutsit atuuttut

Aalisarnermut, Piniarnermut Nunalerinermullu Naalakkersuisup pisarineqarsimasut killiffiat tunngavigalugu aamma KNAPK-mit KANUKOKA-millu akulerutsitsilluni aalajangerpaa tikaagulliit 10-it qamutilissorluni pisassiissutiniit ataatsimoorussamik piniaqatigiilluni pisassiissutinut nuussiniarluni.

Pisassiissutinik tamakkiisumik iluaqtiginninneq qulakkeerniarlugu pisassiissutit 10-inik tikaagullittallit nuunneqartut ulloq 28. oktoberimi ilanngullugulu 2015-imiit Kitaani kommunerujussuarnut sisamaasunut pisarineqarsinnaasunngortinneqassapput. Aqutsiveqarfii tamarmik pisassiissutinit pissarsiarereersimasatik pigiinnassavaat, takuuk pisarineqarsimasunut killiffik ilanngussaq 1-imiuttoq.

Ullormi 20. oktoberimi Kitaani ataatsimoorussamik piniaqatigiinnermit tikaagulliit 53-it pisarineqarsimapput aamma qamutilissorluni piniarnermit tikaagulliit 43-t, tamakku kinguneraat pisassiissutinit sinneruttut 15 + 10-inik amerlassusillit aamma nuussisoqareernerani 58-it.

Kitaani nuunneqartut (amerleriарнерит) imaalerput: 10-it

Tikaagullinnut ataatsimoorussamik piniaqatigiinnermut killiffik 20. oktober 2015-imi.

Pisarineqarsimasunut paassisutissat tulliuttut pisat nalunaarutigineqartarnerinit tunngaveqartut, APNN-imit ulloq 20. oktober 2015-imi pissarsiarineqarsimasut. Taamaattorli alaatsinaaqquneqarput nalunaarutiginninnerit ataasiakkaat suli APNN-imut tunniunneqarsimanngitsut.

Kitaani, tikaagullinnit ataatsimoorussamik piniaqatigiüttarneq

Tikaagulleqatigiit Kitaani	Pisat	Pisassiissutit	Pisassiissutit sinneruttut 20/10-mi	Sinneruttut katillugit	Nuussineq 28/10
Qaanaaq	0	1-1	0		
Upernavik	10	5+2+3	0		
Uummannaq	7	6+1	0		
Qeqertarsuaq	7	3+1+1+2	0		
Ilulissat	5	2+1+1+1	0	2	
Qasigiannguit	2	2+1	1		
Aasiaat	3	4+2-3	0		
Kangaatsiaq	3	3+2-1	1		
Sisimiut	3	3+2	2		
Maniitsoq	4	3+2	1	3	
Nuuk	2	3	1		
Paamiut	1	3+1	3	4	
Narsaq	2	2+1+1	2		
Qaqortoq	1	2+1	2		
Nanortalik	3	3+2	2	6	
TAMAKKERLUGIT	53	45+4+19*	15	15	10

* immikkut pisassiissutit najukkami piniartut peqatigiiffiannit aamma kommunimit qinnuteqarnikkut imaluunniit 17/9 agguasseqqinertut imaluunniit kommunini augustip naalernerani 2015-imi pagatassiissutigalugit piniarnermit nuutsinneqarsimapput.

Allaffeqarfup ilisimatitsissutigissavaa Sisimiut aqtsiviani ataatsimoorluni piniarnermi pisassat 1-mik sinneqarmata taamatullu aamma Maniitsup aqtsiviani pisassaq 1 suli pisarineqarani. Pisassiissutit taakkua uani pisasseeqqinermi attorneqaratik kommunip piginnassavai.

Aalisartut piniartullu peqatigiiffii Allattoqarfiup tusarniaaffigivai.

Akissuteqaatut ukua tigusimavagut:

Maniitsumi Umiatsiaararsorlutik Aalisartut Piniartullu Peqatigiffiata oqaaseqaatiminni 26. oktober 2015-meersumi nalunaarutigivaat Kitaani 10-nik pagatassiiniarneq peqatigiiffiup ajorinngikkaa.

Kangaamiuni Aalisartut Piniartullu peqatigiit (kapp) oqaaseqaatiminni 26. oktober 2015-meersumi imatut allapput:

” Tikaagulliit pisassat sinneruttut kiisalu qoorortoorsorluni pisassanut nuussinissaq pillugu tusarniaassummut KAPP –mit nuussinissaq tapersorsorneqarpoq.

Kissaatigineqarpoq pisassiissutigeqqinnejartut pagatassiissutigineqarnissaat. Pissutigalugu: Ukiuni kingullerni pagatassiisarneq assut kingusittarpoq pingartumik decemberip aallartinnerani tamanna pigaangat tamatumani anoritusinerit immap aalasarnera piniarnermut akornutaasarmat.

Taamaattumik maannakkut nuusineq ilutigalugu tamanut paggatassiissutigineqarnissaat pissusissamisoorpoq. Neriuppugut akuerineqarumaartoq Kangaamiuni ullumikkut qamutilimmik piniartoq ataasiinnanngorami neqi assut pisariaqartikkatsigu”.

Sisimiuni Angalallateerarsorlutik aalisartut piniartullu peqatigiffiata oqaaseqaatimini 26.10.2015-meersumi nalunaarutigivaat agguaasseqqinneq taamattut aaqqinnejqarnissaa ajorinagu.

Aningaasaqarnikkut allaffissornikkullu kingunerisinnaasai
Ilanngussaqanngilaq.

Qullersaqarfíup oqaaseqaatai
Soqanngilaq

Allaffeqarfíup naliliinera
Allaffeqarfíup nalilerpaa qamutilissorluni pisassaniit qoorortoorsorluni pisasanut 10-nik nuussineq pisuussutinik atorluaanerussasoq Allaffeqarfíup naliermagu taamatut nuussisoqanngippat ukioq manna tikaagullittassiissutinit pisarineqanngitsut amerlasuuujussasut.
Ulloq 20. oktober 2015 pisanik nalunaarsuinerit tunngavigalugit takuneqarsinnaavoq matuman 10-nik nuussisoqareernerani qamutilissortut suli 58-nik pisassaqarumaartut. Taammaamat Allaffeqarfíup nalilerpaa qamutilissortunut pisassiissutiniit 10-nik nuussineq qamutilisssortunut ajortumik sunniuteqarnavianngitsoq ukiup sinneranut qamutilissortunut pisassaat suli amerlammata. Qeqqata Kommuniani aalisartut piniartullu peqatigiiffiisa oqaaseqaataat kommunimit tiguneqarsimasut tunngavigalugit Allaffeqarfíup nalilerpaa nuussinermi pisassiissutissat 10-t Kitaani paggatassiissutigineqarnissaannik tusarniaaneq isumaqatigalugu kommuni nalunaaruteqarsinnaasoq.

Allaffeqarfíup innersuussuta
Qoorortoorsorluni pisassiissutissat 10-t Kitaani paggatassiissutigineqarnissaat isumaqatigalugu Qeqqata Kommunia KANUKOKA-mut nalunaaruteqassasoq.

Pisuussutit Uumassusillit pillugit ataatsimiitaliap siulittaasuata suliamik suliarinninnera
Ataatsimiitaliap siulittaasuata oktobarip 26-iani 2015 allaffeqarfíup innersuussuta akuersissutigivaa.

Borgmesterip suliamik suliaqarnera
Kommunalbestyrelsi sinnerlugu oktobarip 26-iani 2015 borgmesteri aalajangiivoq,

-qoorortoorsorluni pisassiissutissat 10-t Kitaani paggatassiissutigineqarnissaat isumaqatigalugu Qeqqata Kommunia KANOKOKA-mut nalunaaruteqassasoq.

Aalajangiineq pillugu communalbestyrelsi tullissaanik ataatsimiileruni ilisimatinneqassaaq.

Innersuussut
Suliaq communalbestyrelsimit paassisutissatut saqqumiunneqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Aalisarnermut, Piniarnermut Nunalerinermullu Naalakkersuisoqarfip ulloq 22. oktober 2015 Tikaagullinnut qamutilissorluni pisassiissutiniit ataatsimoorussamik piniaqtigilluni pisassiissutinut nuussinissaq pillugu tusarniaaneq.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12.22.december 2014-meersoq,
3. Maniitsumi Umiatsiaararsorlutik aalisartut piniartullu peqatigiiffiata 26.10.2015 oqaaseqaataat
4. Kangaamiuni aalisartut piniartullu peqatigiiit oqaaseqaataat 26.10.2015-meersoq
5. Sisimiuni Angalallateerarsorlutik aalisartut piniartullu peqatigiffiata oqaaseqaataat 26.10.2015-meersoq.

Imm. 22 Tamalaat

Evelyn Frederiksen:

Qeqqata Kommuniani Kommunalbestyrelsimi ilaasortat Siumut Gruppe sinnerlugu, Qeqqata Kommuniani Kommunalbestyrelsemi ilaasortaaqatigut ukiumi qaangiutilersumi Partiit tamaasa suleqatigiinermut pitsasumik suleqatigiinni ukiumi 2015-mi qutsavigaagut.

Qeqqata Kommuneani inoqarfinni tamani innuttaasut sapaassuarsiorluarnissaanik kissaappagut, taamaattullu nalliuuttut ornitagut qanortoq innuttaasut tamatta nalliuuttut tipaatsunnartumik atorisigit. Oqariartuut juulli meeqqat Juulliat qanortoq tamatta eqqissinartumik toqqisisimasumillu pinngitsoqarata meerartatsinnut atortikkisigu.

Qeqqata Kommuneani innuttaasut Meeqqat inersimasut utoqqaallu ukiumut nutaassamut iserluarnissaanik kissaallugit siumup gruppeanit pilluaqqoreerpassi.

Agathe Fontain

IA-miit Parti Nateraq-miillu communalbestyrelsimit ilaasortaqatit qujaffigai sulisullu tamaasa qutsavigalugit innuttaasullu sapaassuarsiorluarnissaannik juullusiorluarnissaannillu kissaallugit.

Tønnes Kreutzmann

Atassummiit nuannaarutigineqarpoq ataatsimiititaliani suleqataanerminnut. Ukiumut qaangiutilersumut tamanut qujassuteqarput.

Borgmesteri

Kommunalbestyrelsi sinnerlugu suleqatit tamaasa qutsavigai, immikkut qutsasavigai sulisorpassuit pikkorillutik sullissimmata. Neriuppoq innuttaasut tamarmik juullimut piareersaalluarumaartut.